




პრეზიდიუმი ყველა ძველსა წავრდით!



საქართველოს სოც.



საბჭო რესპუბლიკის

მუხათა და გლეხთა მთავრობის

კანონთა და განკარგულებათა კრებული

1927 წ.

ოქსციციის სასკალსო კომისარიაციის გამოცემა

1927 წ. მაისი 28

№ 3

ნაწილი პირველი

უ ი ნ ა ა რ ს ი:

ცენტრალური აღმასრულებელი კომიტეტის დადგენილებანი.

38. დადგენილება ც. ა. კ. და ს. კ. ს. № 26 — საგლეხო მეურნეობისათვის მიყენებული წანახედის ფაქტის გამორკვევისა და ამ წანახედით გვმოწვეული ზარალის რაოდენობის განსაზღვრის წესის შესახებ.

39. დადგენილება ც. ა. კ. და ს. კ. ს. № 27 — საქართველოს სსრ ტყის კოდექსისათვის 71 მუხ. დიმატების შესახებ.

40. დადგენილება ც. ა. კ. და ს. კ. ს. № 28 — სათემო აღმასრულებელი კომიტეტების მიერ სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის გამო აღძრულ საქმეთა და აგრეთვე წანახედით და ტყის წესების დარღვევით მიყენებული 15 მანეთზე არა უმეტესი ზარალის გამო აღძრულ საქმეთა განხილვის წესის დებულების დამტკიცების შესახებ.

დებულება სათემო აღმასრულებელი კომიტეტების მიერ სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის გამო აღძრულ საქმეთა და აგრეთვე წანახედით და ტყის წესების დარღვევით მიყენებული—15 მანეთზე არა უმეტესი ზარალის გამო აღძრულ საქმეთა განხილვის წესის შესახებ.

41. დადგენილება ც. ა. კ. და ს. კ. ს. № 29 — ნაციონალიზაციაქმნილი და მუნიციპალიზაციაქმნილი შენობების განაწილებისა და სარგებლობის წესის შესახებ.

42. დადგენილება ც. ა. კ. და ს. კ. ს. № 30—საქართველოს სოც. საბჭ. რესპუბლიკის სისხლის სამართლის კოდექსის 102 და 222³ მუხ. რედაქციის შეცვლისა და ამავე კოდექსისათვის 102¹, 102², 102³, 102⁴ და 202¹ მუხ. დამატების შესახებ.

43. დადგენილება ც. ა. კ. და ს. კ. ს. № 31—სამაზრო-საქალაქო მილიციის სამმართველოების დებულების დამტკიცებისა და სამოქმედოდ შემოღების შესახებ.

დებულება სამაზრო-საქალაქო მილიციის სამმართველოების შესახებ.

44. დადგენილება ც. ა. კ. და ს. კ. ს. № 32—სისხლის სამართლის კოდექსისათვის 102⁵ მუხ. დამატების შესახებ.

45. დადგენილება ც. ა. კ. № 33 ტფილისის მუშათა, გლეხთა და წითელ-არმიელთა დეპუტატების საბჭოს დებულების დამტკიცებისა და სამოქმედოდ შემოღების შესახებ.

დებულება ტფილისის ქალაქის მუშათა, გლეხთა და წითელ-არმიელთა დეპუტატების საბჭოს შესახებ.

46. დადგენილება ც. ა. კ. № 34—სრულიად საქართველოს საბჭოთა ცენტრალური აღმასრულებელი კომიტეტის 1922 წ. ოქტომბრის 30-ს თარიღისა და მე-13 №-ის დადგენილებით დაარსებული „მშრომელ ქალთა ყოფა-ცხოვრების გამაუმჯობესებელი კომისიის“ სახელწოდების შეცვლისა, აავე კომიტეტის მიერ „საქართველოს ცენტრალურ აღმასრულებელ კომიტეტთან მშრომელ ქალთა ყოფა-ცხოვრების გამაუმჯობესებელი კომისიის დაარსების შესახებ“—1922 წ. ოქტომბრის 30 თარიღით და მე-13 №-რით გამოცემული დადგენილების გაუქმებისა და მშრომელ ქალთა და შრომისა და ყოფა-ცხოვრების გამაუმჯობესებელი კომისიის დებულების დამტკიცების შესახებ.

დებულება მშრომელ ქალთა შრომისა და ყოფა-ცხოვრების გამაუმჯობესებელი კომისიისა.

47. დადგენილება ც. ა. კ. და ს. კ. ს. № 35—მოუვლედობის გამო ქალკად საცხოვრებელი შენობების მუნიციპალიზაციის შესახებ.

48. დადგენილება ც. ა. კ. და ს. კ. ს. № 36—საქართველოს ს. ს. რ. სამოქალაქო სამართლის კოდექსის 69 მუხლისათვის შენიშვნის დამატების შესახებ.

49. დადგენილება ც. ა. კ. და ს. კ. ს. № 37—საქართველოს ს. ს. რ. ეკონომიურ საბჭოსთან არსებული სახელმწიფო საგემო კომისიის თავმჯდომარის მონაწილეობის შესახებ საქართველოს ს. ს. რ. სახალხო კომისართა საბჭოს სხდომებში გადაწყვეტი ხმის უფლებით.

50. დადგენილება ც. ა. კ. და ს. კ. ს. № 38—სისხლის სამართლის კოდექსის 82 და 82¹ მუხლების შეცვლის შესახებ.

51. დადგენილება ც. ა. კ. და ს. კ. ს. № 39—სისხლის სამართლის კოდექსის თანახმად ადმინისტრატიული წესით სადევნელ ქმედობათათვის გადასახდელის დადების დებულების დამტკიცებისა და სამოქმედოდ შემოღების შესახებ.



დებულება სისხლის სამართლის კოდექსის თანახმად ადმინისტრატიული წესით სადგენელ ქმედობათათვის გადასახდელის დადების შესახებ.

52. დადგენილება ც. ა. კ. და ს. კ. ს. № 40—სისხლის სამართლის კოდექსის მე-15 მუხლისთვის შენიშვნის დამატების შესახებ.

53. დეკრეტი ც. ა. კ. და ს. კ. ს.—მოქალაქეთა ადმინისტრატიული წესით გამოსახლების შესახებ მათ მიერ დაქერილ სადგომებიდან.

სახალხო კომისართა საბჭოს დადგენილებანი.

54. დადგენილება ს. კ. ს.—აქარის წყალის ჰიდრო-ელექტრო-სადგურის გვირაბის აღმოსავლეთ ნაწილში ზევის ჩამოწოლის მიზეზების გამოსარკვევად სპეციალური ტექნიკური კომისიის დანიშვნის შესახებ.

55. დადგენილება ს. კ. ს.—საქართველოს სახალხო მეურნეობისათვის საკონტროლო ციფრების შედგენის ვადისა და წესის შესახებ.

56. დადგენილება ს. კ. ს.—პროფესორი პ. გ. მელიქიშვილის დაკრძალვისათვის კომისიის მოწყობის შესახებ.

57. დადგენილება ს. კ. ს.—გაზაფხულზე მოსალოდნელი წყალიდობის წინააღმდეგ ბრძოლისათვის სოფლის მოსახლეობის ბეგარაზე გაწვევის შესახებ.

58. დადგენილება ს. კ. ს.—საქართველოს ს. ს. რ. ეკონომიურ საბჭოსთან არსებული სახელმწიფო საგეგმო კომისიის დებულების დამტკიცებისა და სამოქმედოდ შემოღების შესახებ.

დებულება საქართველოს სოციალისტური საბჭოთა რესპუბლიკის ეკონომიურ საბჭოსთან არსებული სახელმწიფო საგეგმო კომისიის შესახებ.

სახალხო კომისართა საბჭოს განკარგულებანი.

59. ცირკულარული—სახელმწიფო და ადგილობრივ ბიუჯეტზე მყოფ სახელმწიფო დაწესებულებათა მიერ აღსრულების ფურცლით გადასახადის გასტუმრების წესის შესახებ.

სენსრალური აღგასრულეგელი კომისიის დადგენილებანი.

38. დადგენილება № 26 ც. ა. კ. და ს. კ. ს.

საგლებო მეურნეობისათვის მიყენებული წანახედის ფაქტის გამორკვევისა და ამ წანახედით გამორკვეული ზარალის რაოდენობის განსაზღვრის წესის შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. წანახედის ფაქტის გამორკვევა და საგლებო მეურნეობისათვის ნათესი-

სა, ბოსტნისა, ბალისა და სხვ. წახდენით მიყენებული ზარალის რაოდენობის განსაზღვრა დაეკისრება განსაკუთრებულ კომისიას, რომელიც დაარსდება თვითეულ სოფელში და აგრეთვე თვითეულ სათემო და სამაზრო აღმასრულებელ კომიტეტთან.

2. 1-ლ მუხლში აღნიშნული კომისიები მოეწყობიან—თვითეული შემდეგი შედგენილობით: თავმჯდომარის, ორი წევრისა და 3-დან 5 კანდიდატამდე, რომელთაც დანიშნავს: სოფლისა და თემის კომისიაში—თემის აღმასრულებელი კომიტეტი საბჭოს წევრთაგან ან საარჩევნო უფლების მქონე ადგილობრივ მოქალაქეთაგან, ხოლო სამაზრო კომისიაში—სამაზრო აღმასრულებელი კომიტეტი სამაზრო აღმასრულებელი კომიტეტის წევრთა ან კანდიდატთაგან, ან და საარჩევნო უფლების მქონე ადგილობრივ მოქალაქეთაგან.

3. სამაზრო კომისიის გამგებლობის სავანს შეადგენს გამოარკვევის მასიური ხასიათის წინახედის ფაქტი და განსაზღვროს ისეთი წინახედით გამოწვეული ზიანის რაოდენობა, რომელიც მიუყენებია სხვა თემის შედგენილობაში შემავალი მთელი სოფლის საქონელს.

სათემო კომისია გამოარკვევს მასიური ხასიათის წინახედის ფაქტს და განსაზღვრავს ისეთი წინახედით გამოწვეული ზარალის რაოდენობას, რომელიც მიუყენებია იმავე თემის შედგენილობაში შემავალი მთელი სოფლის საქონელს.

სასოფლო კომისიის გამგებლობის სავანს შეადგენს—დაადასტუროს წინახედის ფაქტი და შეაფასოს წინახედით მიყენებული ზიანი ყოველ შემთხვევაში, გარდა იმ შემთხვევისა, რაც სამაზრო და სათემო კომისიის კომპეტენციას შეადგენს.

4. დაინტერესებული მხარის მოთხოვნით ან სამაზრო თუ სათემო აღმასრულებელი კომიტეტის წინადადებით სათანადო კომისია დაათვალიერებს წინახედენ ადგილს და გამოარკვევს ზარალის რაოდენობას, რაზედაც შეადგენს ოქმს, რომელშიაც აღნიშნულ უნდა იქნეს: დრო და ადგილი ოქმის შედგენისა, კომისიის შედგენილობა, რა არის სახელდობრ წინახედით გაფუჭებული, რაოდენობა და ღირებულება წინახედისა, საერთო რაოდენობა მიყენებული ზიანისა და ვის ეკუთვნის წამხდენი საქონელი.

5. უკეთუ კომისიის თავმჯდომარე ან წევრი დაინტერესებულია ზარალის გამო აღძრული საქმის შედეგით, იგი ჩამოცილებულ უნდა იქნეს წინახედის დათვალიერებისა, შეფასებისა, ოქმის შედგენისაგან როგორც რომელიმე მხარის განცხადებით, ისე საკუთარი განცხადებითაც. თავმჯდომარის თუ წევრის ჩამოცილებისათანავე კომისიის შედგენილობას შეავსებს კანდიდატი.

6. სამაზრო და თემის აღმასრულებელ კომიტეტს შეუძლიან შეამოწმოს ოქმის შინაარსისა და კომისიის მიერ განსაზღვრული ზარალის რაოდენობის სისწორე.

7. კომისიის მიერ შედგენილი ოქმი განეცხადება ორივე მხარეს და, უკეთუ საქმე მორიგებით გათავდა ან მხარენი შეთანხმდნენ ზარალის ანაზღაურების საკითხზე, ეს შეთანხმება ჩაიწერება ოქმში, რომელსაც მხარენი ხელს მოაწერენ.



8. უკეთესი მორიგება და შეთანხმება არ მოხდა, მოთხოვნა ზარალის ანაზღაურების შესახებ მხარემ მხარეს სასამართლოს წესით უნდა წარუდგინოს საერთო საფუძველზე, გარდა ისეთი საქმისა, რომლითაც წინახედით მიყენებული ზიანი ასანაზღაურებელია 15 მანეთზე არა უმეტესი რაოდენობით; ასეთს საქმეს ერთ-ერთი მხარის მოთხოვნით კომისია გადასცემს სათემო აღმასრულებელ კომიტეტს, რომელიც გადასწყვეტს მას განსაკუთრებული კანონით განსაზღვრული წესისამებრ.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე **ფ. მახარაძე**.

საქართველოს სსრ სახალხო კომისართა საბჭოს თავმჯდომარე **შ. ელიავა**.

სრულიად საქართველოს საბჭოთა ცენტრალური აღმასრულებელი კომიტეტის მდივანი **ს. თოდრია**.

1927 წ. მარტის 5.

ტფილისი—სასახლე.

გამოქვეყნებულია გაზ. „კომუნისტის“ მე-67 №-ში 1927 წ. მარტის 26.

39. დადგენილება №27 ც. ა. კ. და ს. ა. ს.

საქართველოს სსრ ტყის კოდექსისათვის 71 მუხ. დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წლ. მარტის 10-ს თარიღისა და 77 №-ის დადგენილების მე-2 მუხლის წესისამებრ—სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ ტყის კოდექსს დამატოს 71 მუხლი შემდეგი შინაარსისა:

მუხ. 71. ტყეების მტაცებლობისა და განადგურებისაგან დასაცავად მიწადმოქმედების სახალხო კომისარიატი გამოსცემს საეკონომიკურ დადგენილებათ ტყისა და ტყის სანახების სარგებლობის (პირდაპირი და არაპირდაპირი) წესის შესახებ.

ამ დადგენილებათა დარღვევა გამოიწვევს სისხლის სამართლის კოდექსით დაწესებულ სოციალური დაცვის ღონისძიებას.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე **ფ. მახარაძე**.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე **შ. ელიავა**.

სრულიად საქართველოს საბჭოთა ცენტრალური აღმასრულებელი კომიტეტის მდივანი **ს. თოდრია**.

1927 წლ. მარტის 5.

ტფილისი—სასახლე.

გამოქვეყნებულია გაზ. „კომუნისტის“ მე-73 №-ში 1927 წ. აპრილის 2.

40. დადგენილება № 28 ც. ა. კ. და ს. კ. ს.

სათემო აღმასრულებელი კომიტეტების მიერ სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის გამო აღძრულ საქმეთა და აგრეთვე წინახედით და ტყის წესების დარღვევით მიყენებული — 15 მანეთზე არა უმეტესი ზარალის გამო აღძრულ საქმეთა განხილვის წესის დებულების დამტკიცების შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. დამტკიცებულ იქნეს შემდეგი დებულება—სათემო აღმასრულებელ კომიტეტების მიერ სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის გამო აღძრულ საქმეთა და აგრეთვე წინახედით და ტყის წესების დარღვევით მიყენებული, 15 მანეთზე არა უმეტესი ზარალის გამო აღძრულ საქმეთა განხილვის წესის შესახებ — და ეს დებულება სამოქმედოდ შემოღებულ იქნეს ორი კვირის შემდეგ დღიდან მისი გამოქვეყნებისა.

2. სახალხო სასამართლოებში წარმოებული გადაუწყვეტელი საქმეები: ა) სისხლის სამართლის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის შესახებ და ბ) წინახედით და ტყის წესების დარღვევით მიყენებული, 15 მანეთზე არა უმეტესი ზარალის გადახდევინების შესახებ—გადაეცეს განსახილველად სათანადო თემის აღმასრულებელ კომიტეტებს.

3. ასეთივე საქმეები, რაც სასამართლოს საკასაციო ინსტანციის განსახილველად, დატოვებულ იქნეს სასამართლო დაწესებულებებში—შემდგომი წარმართვისა და განხილვისათვის სასამართლოს წესით, —რომელიც დადგენილია სისხლის სამართლისა და სამოქალაქო სამართლის და სამოქალაქო სამართლის საპროცესო კოდექსებით.

4. შინაგან საქმეთა სახალხო კომისარიატი, იუსტიციის სახალხო კომისარიატთან შეთანხმებით, გამოსცემს ორი კვირის განმავლობაში ინსტრუქციას ამა დადგენილების მე-2 მუხ. აღნიშნული საქმეების ჩაბარებისა და მიღების შესახებ.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სსრ სახალხო კომისართა საბჭოს

თავმჯდომარე შ. ელიავა.

სრულიად საქართველოს საბჭოთა ცენტრალური აღმასრუ-

ლებელი კომიტეტის მდივანი ს. თოდრია.

1927 წ. მარტის 5.

ტფილისი—სასახლე.

გამოქვეყნებულია გაზ. „კომუნისტის“ მე-67 №-ში 1927 წ. მარტის 26.

დ ე ბ უ ლ ე ბ ა

სათემო აღმასრულებელი კომიტეტების მიერ სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნული დადგენილებათა დარღვევის გამო აღძრულ საქმეთა და აგრეთვე წინახედით დი ტყის წესების დარღვევით მიღებული, 15 მანეთზე არა უმეტესი, ზარალის გამო აღძრულ საქმეთა განხილვის წესის შესახებ.

1. სისხლის სამართლის კოდექსის 102 მუხლის მე-2 ნაწილში და 202¹ მუხლში აღნიშნულ დადგენილებათა დარღვევის გამო აღძრულ საქმეთა და აგრეთვე წინახედით და ტყის წესების დარღვევით მიყენებული, 15 მანეთზე არა უმეტესი ზარალის გამო აღძრულ საქმეთა განხილვა, როგორც დროებითი ღონისძიება, მოხდება სათემო აღმასრულებელ კომიტეტებში შემდეგი მუხლებით გათვალისწინებული წესებისამებრ.

2. იმ დამნაშავეს, რომელსაც ამა დადგენილების 1-ლი მუხლით გათვალისწინებული დარღვევა ჰპარალებდა, და სათანადო შემთხვევაში საქმის მონაწილე მხარეებს—საქმის განხილვის დღე უწყების გაგზავნით ეცნობებათ.

3. უკეთუ ბრალდებული ან მხარენი, რომელთაც დაბარების უწყება პირველად მიიღეს, არ გამოცხადდნენ, მათ უწყება ხელმოკრედ გაეგზავნებათ და, თუ მეორედაც არ გამოცხადდნენ—საქმე შეიძლება განხილულ იქნეს მათ დაუსწრებლად.

4. საქმის გარჩევა მოხდება საჯაროდ, სათემო აღმასრულებელი კომიტეტის თავმჯდომარისა და 2 წევრის შედგენილობით.

უკეთუ თემის აღმასკომის რომელიმე წევრი ადგილობრივ არ იმყოფება ან რაიმე სხვა მიზეზის გამო მას არ შეუძლიან საქმის განხილვაში მონაწილეობა მიიღოს, მის მაგიერ საქმის განსახილველად მოიწვევა თემის (ან სოფლის) საბჭოს წევრი რიგის მიხედვით.

5. უკეთუ სათემო აღმასკომისა და აგრეთვე სათემო (სოფლის) საბჭოს თავმჯდომარე და წევრი საქმის გადაწყვეტაში დაინტერესებულია ან ბრალდებულთან თუ მხარეებთან რაიმე განსაკუთრებული ურთიერთობაშია, იგი ჩამოცილებულ უნდა იქნეს საქმის გარჩევისაგან, როგორც საქმეში მონაწილე დაინტერესებულ პირთა განცხადებით, ისე საკუთარი განცხადებითაც.

6. სათემო აღმასკომის დადგენილება განხილული საქმის შესახებ გამოიტანება ხმის მარტვი უმეტესობით (მუხ. მე-4) და შედგენილ იქნება წერილობით: დადგენილებას ხელს მოაწერს თავმჯდომარე და ორი წევრი.

7. თემის აღმასრულებელი კომიტეტის დადგენილება ბრალდებულს ან უკმაყოფილო მხარეს შეუძლიან განასაჩივროს სამაზრო აღმასრულებელ კომიტეტში შეიდი დღის განმავლობაში დადგენილების გამოტანის დღიდან.

8. თემის აღმასრულებელი კომიტეტის დადგენილება მე-7 მუხლით გათვალისწინებული ვადის გასვლამდე არ უნდა იქნეს აღსრულებული, ხოლო განსაჩივრებული დადგენილება—მანამდე, ვიდრე მას მაზრის აღმასრულებელი კომიტეტი არ დაამტკიცებს.

9. მაზრის აღმასრულებელი კომიტეტის დადგენილება საბოლოოა და არ განისაჩივრება.

10. შინაგან საქმეთა სახალხო კომისარიატი, იუსტიციის სახალხო კომისარიატთან შეთანხმებით გამოსცემს ინსტრუქციას ამა დებულების შეფარდებისათვის.



41. დადგენილება № 29 ც. ა. კ. და ს. კ. ს.

ნაციონალიზაციაქმნილი და მუნიციპალიზაციაქმნილი შენობების განაწილებისა და სარგებლობის წესის შესახებ.

სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს მიერ—საცხოვრებელი სადგომების შესახებ—1923 წლ. სექტემბრის 26-ს თარიღით გამოცემული (საქ. სსრ კან. კრ. 1923 წ. მე-2 №-რი, მუხ. 20) დეკრეტის მე-2 და 3 მუხ. განსავითარებლად და იმ უფლებათა გამოსარკვევად და მოსაწესრიგებლად, რაც ეკუთვნის სახელმწიფოს—მისი ცენტრალური და ადგილობრივი ორგანოების სახით—ნაციონალიზაციაქმნილი და მუნიციპალიზაციაქმნილი შენობების სარგებლობის სფეროში,—სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ნაციონალიზაციაქმნილ შენობად ჩაითვლება: ა) ისეთი შენობა, რომელიც სახელმწიფოს ეკუთვნოდა 1921 წ. თებერვლის 25-მდე და რომელსაც, ამა დადგენილების გამოცემის დღისათვის, სარგებლობს სათანადო ცენტრალური უწყება ან მისი ადგილობრივი ორგანო თავის საპიროვნისათვის; ბ) ისეთი შენობა, რომელიც სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სოც. საბჭ. რესპუბლიკის სახალხო კომისართა საბჭოს სპეციალური დადგენილებით ნაციონალიზაციაქმნილად არის ცნობილი და მათივე დადგენილებით დაუმტკიცდა ცენტრალურ უწყებას და აგრეთვე ისეთ დაწესებულებასა და საწარმოს, რომელსაც საერთო-სახელმწიფოებრივი მნიშვნელობა აქვს და უშუალოდ ექვემდებარება ცენტრალურ უწყებას, უკეთეს ამა დადგენილების გამოცემის დღისათვის მთლად აღნიშნულ შენობას ან მის დიდ ნაწილს უშუალოდ სარგებლობს სათანადო ორგანო; გ) ისეთი შენობა, რომელიც აუცილებელი კუთვნილებაა ნაციონალიზაციაქმნილი ფაბრიკისა, ქარხნისა და სხვა სამრეწველო საწარმოსი, განუყრელად დაკავშირებულია მის წარმოებასთან და თანაც შედის სათანადო საწარმოს საწესდებო კაპიტალის შედგენილობაში: ასეთი შენობა ნაციონალიზაციაქმნილად ჩაითვლება იმის დამოუკიდებლადაც, მდებარეობს იგი საწარმოს ტერიტორიაზე თუ მის გარეშე.

2. სახელმწიფოს კუთვნილი ყველა სხვა შენობა მუნიციპალიზაციაქმნილ შენობად ჩაითვლება.

3. ნაციონალიზაციაქმნილი შენობა სათანადო სახალხო კომისარიატის ან სხვა ცენტრალური სახელმწიფო დაწესებულების გამგებლობასა და განკარგულებაშია ამა დადგენილების მე-9 მუხ. აღნიშნულ საფუძველზე.

მუნიციპალიზაციაქმნილი შენობა ადგილობრივი აღმასრულებელი კომიტეტის გამგებლობაშია.

4. ის შენობა, რომელიც სახელმწიფო საადგილ-მამულო ქონების ტერიტორიაზეა, გამოყენებულ იქნება მიწის კოდექსის 105 მუხ. განსაზღვრული წესით.

5. ყველა სახალხო კომისარიატი და სხვა ცენტრალური უწყება ვალდებულია



ლია, ორი თვის განმავლობაში დღიდან ამა დადგენილების გამოცემისა, შეადგინოს იმ შენობების სია, რაც მის გამგებლობაშია. ამ სიების განსახილველად იუსტიციის სახ. კომისარიატთან დაარსდება სპეციალური სარესპუბლიკო კომისია. ამ კომისიაში შევლენ: თავმჯდომარე უზენაესი სასამართლოს წევრი, ხოლო წევრებად: მუშათა და გლეხთა ინსპექციის სახალხო კომისარიატისა და ფინანსთა სახალხო კომისარიატის წარმომადგენელი. დინტერესებული სახალხო კომისარიატებისა და ადგილობრივი აღმასრულებელი კომიტეტების წარმომადგენელი გამოიწვევიან კომისიის სხდომაზე სათათბირო ხმით.

შენიშვნა 1. ქ. ტფილისის შესახებ სიების განსახილველ კომისიაში სახალხო კომისართა საბჭო დანიშნავს ორ დამატებით წევრს გადამწყვეტი ხმის უფლებით.

შენიშვნა 2. ყველა ის ცვლილება, რაც კი ამა დადგენილების შესაფერისად შეტანილ უნდა იქნეს სახელმწიფო სამრეწველო საწარმოთა (ტრესტების) საწესდებო კაპიტალში, უნდა მოხდეს კანონით დადგენილი წესისამებრ.

6. დინტერესებულ უწყებას და ადგილობრივ აღმასრულებელ კომიტეტს უფლება აქვს განაცხადოს პროტესტი მე-5 მუხ. თანახმად შედგენილი კომისიის დადგენილებაზე. პროტესტი შეტანილ უნდა იქნეს ორი კვირის ვადაზე დღიდან კომისიის დადგენილების ასლის მიღებისა; ამ ვადის გასვლის შემდეგ კომისიის დადგენილება განცხადებული პროტესტით (უკეთუ იგი განცხადებულ იქნა) თანდართვით. წარედგინება დასამტკიცებლად სახალხო კომისართა საბჭოს.

7. ნაციონალიზაციაქმნილი შენობების სიას აწარმოებს სათანადო აღმასრულებელი კომიტეტი. ამ სიის ასლი გაეგზავნება ფინანსთა სახალხო კომისარიატს.

8. შემდეგში მუნიციპალიზაციაქმნილი შენობის ნაციონალიზაციაქმნილ შენობად გადარიცხვა ან წინაუკმოდ—შეიძლება მხოლოდ საქართველოს სსრ სახალხო კომისართა საბჭოს დადგენილებით.

9. უწყებას და ადგილობრივ აღმასრულებელ კომიტეტს (უშუალოდ თითონ მას ან სათანადო განყოფილების მეშვეობით) ნაციონალიზაციაქმნილი და მუნიციპალიზაციაქმნილი შენობის მიმართ აქვს, კუთვნილებისამებრ, განკარგულების უფლება სამოქ. სამ. კოდ. 22 მუხლისა და ამ საგანზე არსებულ განსაკუთრებულ კანონთა ფარგლებში.

10. ადგილობრივ აღმასრულებელ კომიტეტს დაეკისრება აწარმოოს მუნიციპალიზაციაქმნილი შენობების რეესტრი. ინსტრუქციას ამ რეესტრის წარმოების წესის შესახებ გამოსცემს ფინანსთა სახალხო კომისარიატი.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე **ფ. მახარაძე.**

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური
აღმასრულებელი კომიტეტის მდივანი **ს. თოდრა.**

გამოქვეყნებულია ვაზ. „კომუნისტის“ მე-68 №-ში 1927 წ. მარტის 27.

1927 წ. მარტის 7.

ტფილისი—სასახლე.

42. დადგენილება № 30 ც. ა. კ. და ს. კ. ს.

საქართველოს სოციალისტური საბჭოთა რესპუბლიკის სისხლის სამართლის კოდექსის 102 და 222³ მუხ. რედაქციის შეცვლისა და ამავე კოდექსისათვის 102¹, 102², 102³, 102⁴ და 202¹ მუხ. დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10 თარიღისა და 77 ნომრის დადგენილების მე-2 მუხლის წესისამებრ სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

I.

საქართველოს სოც. საბჭ. რესპუბლიკის სისხლის სამართლის კოდექსის 102 და 222³ მუხ. რედაქცია შეიცვალოს შემდეგნაირად:

მუხ. 102. ტყეების მტაცებლობისა და განადგურებისაგან დასაცავად გამოცემულ დადგენილებათა დარღვევისათვის, ამა კოდექსის 102¹ მუხ. გათვალისწინებული შემთხვევების გარდა, უკეთუ უკანონოდ მონაპოვარისა ან ტყის მეურნეობისათვის მიყენებული ზიანის ღირებულება, მიწადმოქმედების სახალხო კომისარიატის მიერ ყოველწლივ დანაწესები ნიხრის მიხედვით, ხუთმეტ მანეთს აღემატება, გამოიწვევს

თავისუფლების აღკვეთას ან იძულებით მუშაობას ექვს თვემდე, ან და ჯარიმას არა უმეტეს უკანონოდ მოპოებული მასალისა ან ტყის მეურნეობისათვის მიყენებული ზიანის ღირებულებისა ერთი-სამად, დანაშაულის იარაღის კონფისკაციით და უკანონოდ მონაპოვარის ჩამორთმევით. ხოლო, უკეთუ უკანონოდ მონაპოვარისა ან მიყენებული ზიანის რაოდენობა ხუთმეტ მანეთს არ აღემატება—

იძულებით მუშაობას ოც დღე-და-ღამემდე ან ჯარიმას—არა უმეტეს უკანონოდ მონაპოვარისა ან ტყის მეურნეობისათვის მიყენებული ზიანის ღირებულებისა ერთი-სამად, რასაც გადასწყვეტს თემის აღმასრულებელი კომიტეტი ადმინისტრატიული წესით, დანაშაულის იარაღის კონფისკაციით და უკანონოდ მონაპოვარის ჩამორთმევით.

მუხ. 222³. დარღვევა ნადირობისა და თევზაობისათვის კანონით ან სავალდებულო დადგენილებით შემოღებული წესისა, უკეთუ ქმედობა არ აღემატება 102⁴ მუხ., დევნილ უნდა იქნეს ადმინისტრატიული წესით იძულებით მუშაობით ერთ თვემდე ან და ჯარიმით ას მანეთამდე.

II.

სისხლის სამართლის კოდექსს დაემატოს 102¹, 102², 102³, 102⁴ და 202¹ მუხ. შემდეგი შინაარსისა:

მუხ. 102¹. ტყის თვითნებისად გაკაფვა სხვა რამ მიწის ნაკვეთად გადაქცევის მიზნით, ტყეში ცეცხლის გაჩენა ამავე მიზნით ან იმ მიზნით, რომ გან-

გებ ხეების ზეხმობა იქნეს გამოწვეული ან და ხის თესლმა არ იხეიროს—გამოიწვევს

თავისუფლების აღკვეთას ექვს თვემდე და ჯარიმას—არა უმეტეს უკანონოდ მონაპოვებული მასალისა ან ტყის მეურნეობისათვის მიყენებული ზიანის ღირებულებისა ერთი სამად, დანაშაულის იარაღის კონფისკაციით და უკანონოდ მონაპოვარის ჩამორთმევით.

მუხ. 102². სისხლის სამართლის კოდექსის 102 და 102¹ მუხ. გათვალისწინებული დანაშაული, უკეთუ იგი ჩადენილია საკურორტო და დაცვითი ტყეში—აღკვეთილ ტყეში—ან ისეთ ტყეში, რომელიც გამოცხადებულია სამეცნიერო, ისტორიული, სამკურნალო და კულტურული მნიშვნელობის ტყედ (ბუნების ძეგლი) გამოიწვევს

თავისუფლების აღკვეთას ერთ წლამდე და ჯარიმას—არა უმეტეს უკანონოდ მონაპოვარისა ან ტყის მეურნეობისათვის მიყენებული ზიანის ღირებულებისა ერთი-ხუთად, დანაშაულის იარაღის კონფისკაციით და უკანონოდ მონაპოვარის ჩამორთმევით.

მუხ. 102³. მიწის წიაღის დამუშავება საამისოდ შემოღებული წესების დარღვევით გამოიწვევს

თავისუფლების აღკვეთას ან იძულებით მუშაობას ერთ წლამდე ან ჯარიმას ხუთას მანეთამდე, დამუშავების იარაღის კონფისკაციით და უკანონოდ მონაპოვარის ჩამორთმევით.

მუხ. 102⁴. ნადირობა და თევზაობა აკრძალულ დროს, აკრალულ ადგილას და აკრძალული საშუალებითა და ხერხით გამოიწვევს

თავისუფლების აღკვეთას ან იძულებით მუშაობას ერთ წლამდე ან ჯარიმას ხუთას მანეთამდე, სანადირო თუ სათევზაო იარაღის კონფისკაციით და უკანონოდ მონაპოვარის ჩამორთმევით.

მუხ. 202¹. სოფლად ბალისა, ვენახისა, ბოსტნისა, ნათესისა და სხვ. განზრახ წახდენა საქონლის მიშვებით, უკეთუ მიყენებული ზარალი ხუთმეტ მანეთს არ აღემატება, გამოიწვევს

იძულებით მუშაობას ოც დღე-და-ღამემდე ან ჯარიმას—არა უმეტეს წანახდით მიყენებული ზიანის ღირებულებისა ერთი-ორად, რასაც ადმინისტრაციული წესით გადასწყვეტს თემის აღმასრულებელი კომიტეტი.

სრულიად საქართველოს საბჭოთა ცენტრალური

აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო

კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური

აღმასრულებელი კომიტეტის მდივანი ს. თოდრია.

1927 წ. მარტის 7.

ტფილისი—სასახლე.

გამოქვეყნებულია გაზ. „კომუნისტის“ მე-75 №-ში 1927 წ. აპრილის 5.

43. დადგენილება № 31 ც. ა. კ. და ს. კ. ს.

სამაზრო-საქალაქო მილიციის სამმართველოების დებულების დამტკიცებისა და სამოქმედოდ შემოღების შესახებ.

სრულიად საქართველოს საბჭოთა ცენტრალური აღმასრულებელი კომიტეტი და სახალხო კომისართა საბჭო ადგენენ:

1. სამაზრო-საქალაქო მილიციის სამმართველოების დებულება დამტკიცებულ და სამოქმედოდ შემოღებულ იქნეს მთლად საქართველოს სოც. საბჭ. რესპუბლიკის მთელ ტერიტორიაზე დღიდან გამოქვეყნებისა.

2. წინადადება მიეცეს აფხაზეთის სოც. საბჭ. რესპუბლიკისა და აჭარის-ტანის ავტონომიური სოც. საბჭ. რესპუბლიკის ცენტრალურ აღმასრულებელ კომიტეტებს გამოსცენ დამტკიცებული დებულების საფუძველზე და ადგილობრივ პირობებთან შეფარდებით დებულებანი სამაზრო-საქალაქო მილიციის სამმართველოების შესახებ, ხოლო სამხრეთ-ოსეთის ავტონომიური ოლქის ცენტრალურმა აღმასრულებელმა კომიტეტმა უნდა გამოსცეს სათანადო დებულება და დასამტკიცებლად წარმოუდგინოს სრულიად საქართველოს საბჭოთა ცენტრალურ აღმასრულებელ კომიტეტს.

სრულიად საქართველოს საბჭოთა ტენტრალური აღმასრულებელი კომიტეტის თავმჯდომარე ფ. მახარაძე.

საქართველოს სსრ სახალხო კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრულებელი კომიტეტის მდივანი ს. თოდრია.

1927 წ. მარტის 8.
ტფილისი—სასახლე.

დ ე ბ უ ლ ე ბ ა

სამაზრო საქალაქო მილიციის სამმართველოების შესახებ.

კ ა რ ი |.

1. სამაზრო-საქალაქო მილიციის სამმართველო არის შინაგან საქმეთა სახალხო კომისარიატის ადგილობრივი ორგანო და იგი, არსებობს-რა მაზრის აღმასრულებელ კომიტეტთან, მოქმედობს ამა დებულებაში აღნიშნული წესების თანახმად.

შენიშვნა. ტფილისის აღმასკომის ადმინისტრაციული განყოფილება მოქმედობს განსაკუთრებული დებულების თანახმად.

2. სამაზრო-საქალაქო მილიციის სამმართველოს მოქმედების ძირითად საგანს შეადგენს:

ა) განახორციელოს ხელისუფლების ცენტრალური და ადგილობრივი ორგანოების ადმინისტრაციული ხასიათის დადგენილებანი და განკარგულებანი,



თვალყური ადენგოს, რათა მოსახლეობამ, ყველა დაწესებულებამ და ორგანიზაციამ დაიცვას აღნიშნული დადგენილებანი და მიიღოს ღონისძიება მათი შესრულებისათვის;

ბ) დაიცვას რევოლუციონური წესრიგი და საზოგადოებრივი უშიშროება;

გ) ებრძოდოს დანაშაულებრიობას მისთვის მინიჭებული უფლების ფარგლებში;

დ) განახორციელოს ღონისძიებანი მილიციის რიგების შევსებისა, მისი სწავლებისა და მომარაგებისათვის;

ე) გაუწიოს ხელმძღვანელობა მილიციის ქვემდებარე ორგანოებისა, სისხლის სამართლის მაძიებელი მილიციისა და საუწყებო მილიციის მუშაობას, თვალყური ადენგოს მათი აპარატის წესიერად მოწყობას და გადასწყვიტოს მათ მოქმედებაზე შეტანილი საჩივრები;

ვ) აღმოუჩინოს დახმარება ხელისუფლების სხვა ორგანოთ კანონით გათვალისწინებულ შემთხვევაში, აგრეთვე იმ შემთხვევაში, როდესაც საჭიროა იძულებითი ღონისძიების მიღება.

კ ა რ ი ი I.

სამაზრო-საქალაქო მილიციის სამმართველოს სტრუქტურა.

3. სამაზრო-საქალაქო მილიციის სამმართველოს სათავეში სდგას უფროსი, რომელსაც დანიშნავს შინაგან საქმეთა სახალხო კომისარიატი სათანადო მაზრის აღმასკომის პრეზიდიუმის წარდგენით; სამმართველოს უფროსი ემორჩილება მაზრის აღმასკომს და შინაგან საქმეთა სახალხო კომისარიატს.

4. სამაზრო-საქალაქო მილიციის სამმართველოსთან დაარსებულია სისხლის სამართლის მაძიებელი მილიციის განყოფილება. განყოფილების სათავეში სდგას უფროსი, რომელიც იმავე დროს არის სამაზრო-საქალაქო მილიციის უფროსის თანაშემწე; მას თანამდებობაზე დანიშნავს შინაგან საქმეთა სახალხო კომისარიატი, სათანადო მაზრის აღმასკომის წარდგენით.

შენიშვნა. უკეთუ მაზრის აღმასკომს არ ჰყავს შესაფერი კანდიდატი სამაზრო-საქალაქო მილიციის უფროსის ან მისი თანაშემწის თანამდებობაზე ან უკეთუ თავისი კანდიდატი მან არ წარადგინა ორი კვირის განმავლობაში დღიდან ვაკანსიის განთავისუფლებისა, სამაზრო-საქალაქო მილიციის უფროსს და მის თანაშემწეს დანიშნავს შინაგან საქმეთა სახალხო კომისარიატი.

5. მილიციისა და სისხლის სამართლის მაძიებელი მილიციის მუშაობას ხელმძღვანელობას უწევს სამაზრო-საქალაქო მილიციის უფროსი.

6. სამაზრო საქალაქო მილიციის სამმართველოსთან მაზრის აღმასკომის დადგენილებით დაარსდება სამისამართო ბიურო ან მაგიდა, რომელიც მოქმედობს შინაგან საქმეთა სახალხო კომისარიატის მიერ სამისამართო ბიუროებისათვის დამტკიცებული დებულების თანახმად.

კ ა რ ი III.

სამაზრო-საქალაქო მილიციის სამმართველოს ფუნქციები.

7. სამაზრო-საქალაქო მილიციის სამმართველოს დაეკისრება:

ა) ხელისუფლების ცენტრალურ და ადგილობრივ ორგანოების დადგენილებათა და განკარგულებათა შესასრულებლად ღონისძიებების მიღება;

ბ) მაზრის აღმასკომის პრეზიდიუმში ადმინისტრაციული საკითხების შესახებ სავალდებულო დადგენილებათა პროექტების შეტანა;

გ) მაზრის აღმასკომის სავალდებულო დადგენილებების შესრულებისათვის ზედანხედველობის გაწევა და მათ დამრღვევთა პასუხისგებაში მიცემა;

დ) შინაგან საქმეთა სახალხო კოსისარიატის ან მაზრის აღმასკომის დავალებით ადმინისტრაციული მოკვლევების წარმოება და ცენტრალური და ადგილობრივი ხელისუფლების ყველა სხვა დავალების შესრულება;

ე) ადმინისტრაციული დახმარების აღმოჩენა სხვა უწყებებისათვის კანონით დაწესებული გადასახადისა და გამოსაღების გადახდევინების საქმეში;

ვ) უცხოელთა აღნუსხვა და რეგისტრაცია;

ზ) განცხადებების მიღება ოპტაციისა და რეპატრიაციის შესახებ, საქართველოს სს რესპ. მოქალაქედ უცხოელის მიღების შესახებ, საქართველოს მოქალაქეობიდან გასვლის შესახებ, აგრეთვე საუცხოოთო პასპორტის გაცემისა და საზღვარგარედ წასვლისათვის ნებარვის მიცემის შესახებ;

თ) დანაშაულებრივი და სოციალურად საშიში ელემენტების აღნუსხვა;

ი) საქმის აღძვრა სოციალურად მავნე ელემენტების გადასახლების შესახებ ადმინისტრაციული წესით;

კ) ღონისძიებათა ვატარება სტიქიური უბედურების თავიდან აცდენისათვის და ლიკვიდაციისათვის;

ლ) ხელმძღვანელობის გაწევა აკრძალულ უბაჟო ვაჭრობასთან ბრძოლისათვის და თვალყურის დევნება სავაჭრო წესების შესრულებისათვის, როდესაც ეს მოვალეობა მილიციას განსაკუთრებულად დაკისრებული აქვს კანონით ან მთავრობის განკარგულებით;

მ) დასახლებული ადგილების, საზოგადო სარგებლობისა და სავაჭრო ადგილების სანიტარული მდგომარეობისათვის თვალყურის დევნება;

ნ) მაზრის ფარგლებში მდებარე ქალაქებსა და სოფლებში საზოგადო სარგებლობის ადგილების გარეგანი დაცვა და ქუჩებში მოძრაობის წესრიგის უზრუნველყოფა;

ო) მილიციის მომუშავეთა თათბირის მოწვევა;

პ) ქვემდებარე ორგანოთა პირადი შედგენილობის აღნუსხვა და მათი მუშაობისათვის თვალყურის დევნება;

ჟ) ქვემდებარე ორგანოთა მუშაობის შესახებ ცნობების აღრიცხვა და სისტემატიზაცია ამ მუშაობისათვის გეგმაშეწონილი გეზის მისაცემად;

რ) მაზრის აღმასრულებელი კომიტეტისა და შინაგან საქმეთა სახალხო კომისარიატისთვის ანგარიშების და მასალების წარდგენა მილიციის სამმარ-

თველოსი და მის ქვემდებარე ორგანოთა მუშაობის მდგომარეობისა და შედეგების შესახებ;

ს) მაზრის ფარგლებში სამილიციო სამსახურის შესრულებისათვის თვალყურის დევნება და მილიციის ქვემდებარე ორგანოთათვის ხელმძღვანელობისა და ინსტრუქტიობის გაწევა;

ტ) ღონისძიების მიღება მილიციის შედგენილობის შერჩევა-შეცვლისათვის, მილიციის მომარაგების საქმის გაუმჯობესებისათვის და აგრეთვე მილიციის მომუშავეთა შორის კულტურულ და პოლიტგანმანათლებელ ღონისძიებათა განხორციელებისათვის;

უ) მშრომელთა ორგანიზაციებისათვის დახმარების აღმოჩენა მანიფესტაციისა, პროცესიისა, კრებისა და სხვ. მოწყობის საქმეში და მანიფესტაციისა, პროცესიისა, კრებისა, სანახაობისა და სხვათა მოსაწყობად ნებართვის მიცემა იმ პირობა და ორგანიზაციებისათვის, ვისთვისაც ასეთი ნებართვის მიღება სავალდებულოა;

ფ) ყრილობისა, თათბირისა და კრების მოწვევისათვის ნებართვის გაცემა იმ შემთხვევაში და იმ წესით, რაც კანონითაა გათვალისწინებული;

ქ) შტამპებისა და ბეჭდების დასამზადებლად ნებართვის მიცემა ყველა იმ პირისა და დაწესებულებისათვის, ვისაც საამისო უფლება აქვს, და თვით დამზადებისათვის კონტროლის გაწევა;

ღ) ვინაობის მოწმობების გაცემა და ამ პირობა სამისამართო მაგიდებში და ბიუროებში ჩაწერისა და აღნუსხვის მოწვევრიგება;

ყ) სანადირო იარაღის შენახვისა და სარგებლობისათვის ნებართვის გაცემა საამისო არსებული კანონის თანახმად.

მ) სამაზრო-საქალაქო მილიციის სამმართველოს სისხლის სამართლის მადიებელი მილიციის განყოფილების ორგანიზაცია და ფუნქციები განსაზღვრულია სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1926 წ. მაისის 5-ის თარიღისა და 31 №-ის დადგენილებით (გამოქვეყნებულია გაზ. „კომუნისტი“-ს 110 №-ში 1926 წლ. მაისის 18-ს).

44. დადგენილება № 32 ც. ა. კ. და ს. კ. ს.

სისხლის სამართლის კოდიქსისათვის 102⁵ მუხ. დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წლ. მარტის 10 თარიღისა და 77 ნომრის დადგენილების მე-2 მუხლის წესისამებრ სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

საქართველოს სოც. საბჭ. რესპუბლიკის სისხლის სამართლის კოდექსს დაემატოს 102⁵ მუხ. შემდეგი შინაარსისა:

მუხ. 102⁵. ზღვის სელაპებისა და ზღვის თახვების რეწვა გაშლილ ზღვაზე, ხოლო ზღვის სელაპების რეწვა ზღვის სანაპირო სამშლიანი ზოლის ფარგლებშია, აგრეთვე ზღვის სელაპებისა და ზღვის თახვების აკრძალული რეწვა ხმელეთზე, ხოლო ზღვის თახვების აკრძალული რეწვა ზღვის სანაპირო სამშლიანი ზოლის ფარგლებშია გამოიწვევს

თავისუფლების აღკვეთას ერთ წლამდე ან ჯარიმას ხუთას მანეთამდე, უკანონოდ მონაპოვარისა, რეწვის იარაღისა და ნავჭურჭლის კონფისკაციით.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრულებელი კომიტეტის მდივანი ს. თოდრია.

1927 წ. მარტის 10.

ტფილისი—სასახლე.

გამოქვეყნებულია გაზ. „კომუნისტი“-ს მე-64 №-ში 1927 წ. მარტის 23.

45. დადგენილება № 33 ც. ა. ქ. და ს. ქ. ს.

ტფილისის მუშათა, გლეხთა და წითელარმიელთა დეპუტატების საბჭოს დებულების დამტკიცებისა და სამოქმედოდ შემოღების შესახებ.

სრულიად საქართველოს საბჭოთა ცენტრალური აღმასრულებელი კომიტეტი ადგენს:

დამტკიცებულ და სამოქმედოდ შემოღებულ იქნეს ამასთანავე დართული დებულება ტფილისის მუშათა, გლეხთა და წითელარმიელთა დეპუტატების საბჭოს შესახებ.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

სრულიად საქართველოს საბჭოთა ცენტრალური აღმასრულებელი კომიტეტის მდივანი ს. თოდრია.

1927 წ. მარტის 15.

ტფილისი—სასახლე.

დებულება

ტფილისის ქალაქის მუშათა, გლეხთა და წითელარმიელთა დებუტატების საბჭოს შესახებ.

თ ა ვ ი I.

ზოგადი დებულებანი.

ტფილისის ქალაქის საბჭოს ორგანიზაცია და მოქმედების ძირითადი მიზნები.

1. ტფილისის ქალაქის საბჭო, თავის გამგებლობის სფეროში, არის ხელისუფლების უმაღლესი ორგანო ქ. ტფილისის ტერიტორიაზე და აერთიანებს მთლად მშრომელ მოსახლეობას, ადგილობრივ და სახელმწიფოებრივ გამგებლობასა და აღმშენებლობაში მონაწილეობის მისაღებად.

2. ტფილისის საბჭოს არჩევნებში მონაწილეობს, საქართველოს სსრ კონსტიტუციის თანახმად, საარჩევნო უფლებით აღჭურვილი ყოველი მოქალაქე. არჩევნები სწარმოებს სრულიად საქართველოს ცენტრალურ აღმასრულებელ კომიტეტის მიერ მუშათა, გლეხთა და წითელარმიელთა საბჭოების არჩევნებისათვის გამოცემულ ინსტრუქციის თანახმად.

3. ტფილისის საბჭო აირჩევა იმ ანგარიშით, რომ 200 ამომრჩეველზე მოდიოდეს ერთი დებუტატი.

4. ტფილისის საბჭო აირჩევა ერთი წლის ვადით.

5. ტფილისის საბჭოს მიზანს შეადგენს:

ა) ქალაქის მოსახლეობის სამეურნეო და კულტურული მდგომარეობის წარმატება და მისი ყოფა-ცხოვრების გაუმჯობესება;

ბ) საბჭოთა ხელისუფლების უმაღლესი ორგანოების დადგენილების განხორციელება;

გ) ნაციონალური პოლიტიკის განხორციელება და ქალაქის ტერიტორიაზე მოსახლე ეროვნებათა საჭიროების ყოველმხრივი დაკმაყოფილება;

დ) საბჭოს ყველა ქვემდებარე დაწესებულებისა და საწარმოს მოქმედების გაერთიანება და ხელმძღვანელობა;

ე) ქალაქის ფარგლებში რევოლუციონური წესრიგისა, მშვიდობიანობისა და საზოგადოებრივი უშიშროების უზრუნველყოფა და დაცვა;

ვ) საერთო სახელმწიფოებრივი საკითხების განხილვა როგორც პირადი თაოსნობით, ისე უმაღლესი აღმასრულებელი კომიტეტების წინადადებით;

გ) ქალაქის ბიუჯეტის შედგენა, განხილვა, დამტკიცება და აღსრულება, აგრეთვე მისი შესრულების ანგარიშის დამტკიცება.

6. ტფილისის საბჭო პასუხისმგებელია ტფილისის საბჭოთა ყრილობისა და მისი აღმასრულებელი კომიტეტის წინაშე.

შენიშვნა. უკეთეს ტფილისის საბჭო არ დაეთანხმება ტფილისის აღმასრულებელ კომიტეტის დადგენილებას, მას უფლება აქვს საკითხი სრულიად საქართველოს ცენტრალურ აღმასრულებელ კომიტეტს გადასცეს, ისე-ქი რომ დადგენილების შესრულება არ შეაჩეროს.

თ ა 3 0 II.

ტფილისის საბჭოს აღმასრულებელი ორგანოები.

7. ქალაქის საბჭოს მუშაობის წარმართვისა და ქალაქის მეურნეობის გამგებლობისათვის ტფილისის საბჭო თავისი შედგენილობიდან აირჩევს პრეზიდიუმს, — ხოლო მის შედგენილობაში ტფილისის საბჭოს თავმჯდომარეს. პრეზიდიუმი თავის წრეში აირჩევს თავმჯდომარის მოადგილეს და ტფილისის საბჭოს მდივანს.

შენიშვნა. ტფილისის საბჭო დაუსახელებს თავის პრეზიდიუმს ტფილისის საბჭოთა ყრილობას ტფილისის აღმასკომის პრეზიდიუმად.

8. ტფილისის საბჭოს პრეზიდიუმი, ტფილისის საბჭოს ერთი პლენარულ სხდომიდან მეორე პლენარულ სხდომამდე, არის ქალაქის ტერიტორიაზე ხელისუფლების უმაღლესი ორგანო და მოქმედ კანონის ფარგლებში განახორციელებს ყველა ღონისძიებას ტფილისის საბჭოს სახელით.

9. ტფილისის საბჭო არ მოაწყობს თავის განყოფილებებს და თავის ღონისძიებათ განახორციელებს ტფილისის აღმასკომის მეშვეობით.

10. ტფილისის საბჭო დასახელებს განყოფილებათა გამგეებს და წარუდგენს მათ ტფილისის აღმასკომს დასამტკიცებლად.

11. ტფილისის საბჭოს პრეზიდიუმი თავის მოქმედების ანგარიშს წარუდგენს ქალაქის საბჭოს პლენუმს ყოველ ნახევარ-წელიწადში ერთხელ მაინც.

თ ა 3 0 III.

თფილისის საბჭოს გამგებლობის საგნები.

12. ქალაქის მოსახლეობასთან ტფილისის საბჭოს განუწყვეტელი კავშირი აქვს, გამოდის ამომრჩეველთა კრებებზე მოხსენებებით თავის მუშაობის შესახებ, სკდილობს მონაწილეობა მიაღებინოს მათ საბჭოს წინაშე აღძრული საკითხების განხილვაში და სექციებისა და კომისიების მეშვეობით ჩააბას ისინი საბჭოს პრაქტიკულ საქმიანობაში.

13. საერთო გამგებლობის სფეროში ტფილისის საბჭოზე დაკისრებულ ამოცანათა განსახორციელებლად ტფილისის საბჭოს უფლება აქვს:

ა) უშუალო ურთიერთი მიმართვა იქონიოს საქართველოს სსრ ცენტრალურ დაწესებულებებთან იმ ღონისძიებათა შესახებ, რასაც ცენტრალური ხელისუფლება მიიღებს და ქ. ტფილისის ეხება;

ბ) აღძრას სრულიად საქართველოს აღმასრულებელ კომიტეტისა და სახალხო კომისართა საბჭოს წინაშე შეამდგომლობა — ხელისუფლების ცენტრალური ორგანოების დადგენილებათა და განკარგულებათა შეცვლის შესახებ ქალ. ტფილისის მიმართ;

გ) შეაჩეროს, ტფილისის საბჭოს პრეზიდიუმის — სასამართლოს წესისამებრ — კოლექტიური პასუხისმგებლობით სახალხო კომისარიატების განკარგულებათა განხორციელება, უკეთუ ესა თუ ის განკარგულება არ შეესაბამება უმაღლეს ორგანოთა დადგენილებებს.



შენიშვნა. ასეთი განკარგულების შეჩერებას და თავის მოსაზრებას მისი გაუქმების შესახებ ტფილისის საბჭო ან მისი პრეზიდიუმი აცნობებს ცენტრალურ აღმასრულებელ კომიტეტის პრეზიდიუმს 24 საათის განმავლობაში განკარგულების შეჩერების მომენტიდან.

დ) გამოსცეს სავალდებულო დადგენილებანი არსებული კანონების საფუძველზე;

ე) დაადგას ადმინისტრატიული გადასახდელი ამ სავალდებულო დადგენილებათა დარღვევისათვის;

ვ) ელძრას, მისთვის მინიჭებული უფლებათა ფარგლებში, დისციპლინალური დევნა ქ. ტფილისის ტერიტორიაზე მომქმედ თანამდებობის პირთა წინააღმდეგ და აგრეთვე დაადგას მათ ადმინისტრატიული გადასახდელი;

გ) კონტროლი გაუწიოს ქალაქის საბჭოს არაქვემდებარე საწარმოთ და დაწესებულებათ, ისე-კი რომ რომ მათ მუშაობაში არ ჩაერიოს, აღმოუჩინოს მათ შესაძლებელი დახმარება და აღნიშნულ ორგანოებსა და დაწესებულებებში შემჩნეული უკანონო და მიზანშეუწონელი მოქმედება აცნობოს სათანადო ცენტრალურ ორგანოს;

ი) მოაწყოს საარჩევნო კომისიები ტფილისის საბჭოს ასარჩევად, დაადგინოს წესი არჩევნების ჩატარებისა და განსაზღვროს საარჩევნო რაიონი ამ საგანზე ხელისუფლების უმაღლეს ორგანოთა მიერ გამოცემულ დადგენილებებისა და ინსტრუქციების თანახმად;

თ) მეთვალყურეობა გაუწიოს ქ. ტფილისის ტერიტორიაზე არჩევნების წარმოებას;

კ) განიხილოს საჩივრები არჩევნების უკანონოდ წარმოების შესახებ და კანონის მიერ გათვალისწინებულ სათანადო შემთხვევაში გააუქმოს არჩევნები;

ლ) მიიღოს ღონისძიება სტიქიურ უბედურებათა (წყალდიდობა, ხანძარი და სხვა) ასაცილებლად, მოაწყოს მათთან ბრძოლა და დაზარალებულთათვის დახმარება;

მ) აწარმოოს სამოქალაქო მდგომარეობის აქტების რეგისტრაცია;

ნ) მიიღოს, წარმართოს და სათანადო შემთხვევაში განიხილოს საჩივრები ყველა დაწესებულებათა, თანამდებობის პირთა და კერძო მოქალაქეთა მოქმედების გამო;

ო) მეთვალყურეობა გაუწიოს ეკლესიის სახელმწიფოსაგან და სკოლის ეკლესიისაგან ჩამოშორების დეკრეტის განხორციელებას;

პ) განაგოს მორწმუნეთა ორგანიზაციებისათვის ხელშეკრულებით კულტის შენობათა და კულტის მიზნებისათვის გამოსადეგი სხვა ქონების გადაცემის საქმე, გაუწიოს საერთო მეთვალყურეობა ამ ხელშეკრულებათა შესრულებასა და რელიგიურ საზოგადოებათა მოქმედებას ქ. ტფილისის ფარგლებში;

ჟ) ისარგებლოს იურიდიული პირის უფლებანი.

14. რევოლიუციონური წესრიგისა, საზოგადოებრივი მშვიდობიანობისა და უშიშროების დაცვისთვის, კონტრ-რევოლიუციისათან, ბანდიტიზმთან და მანევრულემენტებთან ბრძოლისათვის ტფილისის საბჭოს დაეკისრება:

ა) იმოქმედოს საამისოდ ყველა იმ ხერხით, რაც მის განკარგულებაშია, საპროცესოს დროს მიმართოს, სპეციალური მომქმედი კანონმდებლობის თანახმად, სამხედრო ნაწილთა შეიარაღებულ ძალას;

ბ) მიიღოს აღმკვეთი ღონისძიებანი ბოროტმოქმედთა წინააღმდეგ და საპროცესოს დროს მოახდინოს სათანადო ორგანოების მეშვეობით ჩხრეკა, ამორკვევა, დაპატიმრება და სხვა;

გ) წარუდგინოს მოხსენება სრულიად საქართველოს აღმასრულებელ კომიტეტს, მის პრეზიდიუმს და სახალხო კომისართა საბჭოს, თანახმად არსებული კანონებისა საგანგებო წესების შემოღების შესახებ ქ. ტფილისის ტერიტორიაზე რევოლუციონური წესრიგის დაცვისათვის და ამ წესების გაუქმების შესახებ;

დ) ხელი შეუწყოს მილიციისა და სისხლის სამართლის მილიციის მდგომარეობის გაუმჯობესებას;

ე) მეთვალყურეობა გაუწიოს ტფილისის ტერიტორიაზე არსებულ საპატიმრო ადგილებს;

ვ) ნება დართოს ან აკრძალოს კრებები, თათბირები და კონფერენციები ქ. ტფილისში;

ზ) მეთვალყურეობა გაუწიოს ბეჭდვითი სიტყვას, გასართობებს და აგრეთვე იმ საზოგადოებათა მოღვაწეობას, რომელნიც მოგების მიღებას არ მისდევნენ და საერთო წესით უნდა იყვნენ დამტკიცებულნი და რეგისტრაციაში გატარებულნი.

შენიშვნა. ამა მუხლის „ვ“ და „გ“ პუნქტებით გათვალისწინებული წესები არ ვაგრცელდება პროფესიონალურ (წარმოებით) კავშირებზე, რომელთა რეგისტრაცია და მოქმედება მოწესრიგებულია შრომის კანონთა კოდექსის 151—167 მუხლებით.

15. სასამართლოს წყობილებისა და სამართლის წარმოების სფეროში:

ა) ტფილისის საბჭო მიიღებს ღონისძიებას სასამართლოს დაწესებულებათა ბინით და მუშაობისათვის საჭირო ფინანსური და მატერიალური საშუალებით უზრუნველსაყოფად;

ბ) აირჩევს და გაიწვევს სახალხო მოსამართლეებს ქ. ტფილისში საქართველოს სსრ სასამართლოს წყობილების დებულების თანახმად;

გ) ხელს შეუწყობს კონსულტაციის მოწყობას მოსახლეობისათვის იურიდიული დახმარების აღმოსაჩენად;

16. საფინანსო და საგადასახადო სფეროში ტფილისის საბჭო:

ა) შეადგენს, განიხილავს, დაამტკიცებს და განახორციელებს ქ. ტფილისის ბიუჯეტს;

ბ) მეთვალყურეობას გაუწევს ტფილისის ტერიტორიაზე სახელმწიფო გადასახადთა და გამოსაღებთა წესიერად გაწერას და მიიღებს ღონისძიებას, რათა ეს გადასახადები და გამოსაღებები შეტანილ იქნეს სახელმწიფო შემოსავალში;

გ) დააწესებს და გადაახდევინებს საქალაქო გადასახადებსა და გამოსაღებს მომქმედი კანონით დაწესებული წესითა და ფარგლებში;

დ) დააწესებს კანონის თანახმად ქალაქის საჭიროებისათვის ძირითადი საერთო-სახელმწიფო გადასახადების ზედნართებს;

ე) იშუამდგომლებს, რათა დაწესებულ იქნეს ახალი გადასახადი და გამოსაღები და აგრეთვე გადადებულ იქნეს ქალაქის ბიუჯეტში სათანადო ანარიცკები სახელმწიფო გადასახადებისა და სხვა შემოსავლისა;

ვ) მოაწივებს საკრედიტო და ფულის გამსესხებელ დაწესებულებებს;

ზ) აიღებს არსებული კანონების თანახმად თამასუქით და სხვაგვარი გრძელვადიანი ან მოკლევადიანი ვალდებულებით სესხს სახელმწიფო, კოოპერატიულ და კერძო დაწესებულებაში, აგრეთვე კერძო პირთაგანაც როგორც სსრკ ში, ისე საზღვარგარედ, რისთვისაც მას აქვს საამისო უფლება;

თ) მოისმენს ანგარიშებს და განაცხადებს პროტესტს ქალაქის ტერიტორიაზე მყოფ არა მის ქვემდებარე დაწესებულებათა და საწარმოთა ხარჯთ-ალრიცხვებისა და საწარმოთა გეგმების გამო, რისთვისაც მას აქვს საამისო უფლება.

შენიშვნა. ეს უფლება ვერ შეაჩერებს ხარჯთ-ალრიცხვების არსებული წესით მსვლელობას.

17. ტფილისის საბჭოს უფლება აქვს გადაიტანოს ადგილობრივი ბიუჯეტის კრედიტები ქალაქის ბიუჯეტის ერთი მუხლიდან მეორე მუხლში ერთი და იმავე პარაგრაფის ფარგლებში; უკეთეს საჭირო იქნება დამტკიცებულ ბიუჯეტში არსებითი ცვლილების შეტანა, საკითხი უნდა გადაწყდეს დამატებითი ხარჯთ-ალრიცხვის შედგენით.

18. სამეურნეო-ეკონომიური და სამრეწველო სფეროში ტფილისის საბჭო:

ა) ეწევა თავის ქვემდებარე საწარმოთა ექსპლოატაციას უშუალოდ, იჯარად გაცემით და კანონის მიერ დაწესებული სხვა სახით, იჯარით გაცემისას თვალყურს ადევნებს, რათა მოიჯარადრეგებმა საიჯარო ხელშეკრულებების ყველა პირობები პირნათლად შეასრულონ;

ბ) აწივებს ახალ საეკტრო და სამრეწველო ხასიათის საწარმოთ;

გ) განაგებს უმაღლესი ორგანოების ქვემდებარე საწარმოთ მათი მინდობილობით;

დ) კონტროლს უწევს არა ქალაქის საბჭოს ქვემდებარე საწარმოთ და დაწესებულებათ, ეხმარება მათ შესაძლებლობის ფარგლებში, ხოლო უფლება არა აქვს ჩაერიოს მათ მუშაობაში;

ე) ხელს უწყობს ქალაქში ვაჭრობისა და მრეწველობის განვითარებას და აწესრიგებს მათ არსებული კანონის თანახმად;

ვ) ყოველგვარ დახმარებას უწევს ყველა სახის კოოპერაციას.

19. კომუნალური მეურნეობის სფეროში, ამა დებულების მე-16 და 18 მუხლებში აღნიშნულ ფუნქციების გარდა, ტფილისის საბჭო:

ა) მიიღებს ღონისძიებას ქალაქის კეთილმოწყობისათვის;

ბ) მოაწივებს და განაგებს ქალაქის სატერიტო და სამგზავრო ტრანსპორტს;

გ) განაგებს ელექტრონის სადგურებს, ტრამვაის, წყალსადენს, კანალიზაციას და სხვა საზოგადოებრივი სარგებლობის საწარმოთ;

დ) მიიღებს ღონისძიებას კომუნალური აღმშენებლობის განსავითარებლად და, კერწოდ, საცხოვრებელი ბინების ასაშენებლად. მოაწესრიგებს საბინაო საკითხს და განაგებს, მომქმედი კანონების თანახმად, საბინაო სივრცის სარგებლობის საქმეს;

ე) მოაწყობს კომუნალურ კრედიტს—სპეციალური საქალაქო ბანკების დაარსებით და მონაწილეობას მიიღებს სხვა ბანკებში.

20. სასოფლო-სამეურნეო სფეროში ტფილისის საბჭო:

ა) განაგებს ქალაქის მიწების ექსპლოატაციას და მათი იჯარით გაცემას;

ბ) განსაზღვრავს, არსებული კანონების თანახმად, საქალაქო საადგილ-მამულო რენტის განაკვეთს და მიიღებს ღონისძიებას ამ რენტის გადასახდელებლად;

გ) აწარმოებს საჭირო სამუშაოს ქალაქის ფარგლის მოსაგვარებლად, მელიორაციის მოსაწყობად, ქალაქის დასაგეგმად, მიწის ნაკვეთების სააღნაგო და სასოფლო-სამეურნეო მიზნით გამოყენებისათვის გასაცემად;

დ) მიიღებს ღონისძიებას ქალაქის ფარგლებში სატყეო მეურნეობის მოსაწყობად და განსავითარებლად;

ე) ხელს შეუწყობს ქალაქის ფარგლებში მებაღეობისა და სხვა სასოფლო-სამეურნეო კულტურის განვითარებას;

ვ) მოაწყობს სავეტერინარო დახმარებას.

21. შრომის დაცვის და მოწესრიგების საქმეში ტფილისის საბჭო:

ა) მეთვალყურეობას გაუწევს სახელმწიფო, საზოგადოებრივი და კერძო საწარმოთა მიერ შრომის დაცვისა და ხელფასის შესახებ არსებულ კანონებისა, წესებისა, კოლექტიური და შრომითი ხელშეკრულებების შესრულებას.

ბ) მოაწესრიგებს მომქმედი კანონების ფარგლებში შრომის ბაზრის საქმეს, მიიღებს ღონისძიებას უმუშევრობასთან საბრძოლველად, რისთვისაც შრომის სათანადო ორგანოებთან შეთანხმებით გახსნის შრომის ბირჟებს და საკორესპონდენტო პუნქტებს და მოაწყობს საზოგადოებრივ სამუშაოებსა და საკვებ პუნქტებს;

გ) განახორციელებს სასანიტარო-სატეხნიკო ღონისძიებათ და ამით გააუმჯობესებს მუშაობის პირობებს დაწესებულებებსა და საწარმოში;

დ) თვალყურს ადევნებს, რათა განხორციელებულ იქნეს სოციალური დაზღვევის კანონმდებლობა და დაკულ იქნეს სოციალური დაზღვევის წესები.

შენიშვნა. აღნიშნულ უფლებას ტფილისის საბჭო განახორციელებს შრომის კომისარიატის ადგილობრივი ორგანოების მეშვეობით.

22. სახალხო ჯანმრთელობის სფეროში ტფილისის საბჭო:

ა) მოაწყობს და განაგებს ქალაქის მცხოვრებთა სამკურნალო და სამკურნალო-პროფილაქტიურ (წინასწარ გამაფრთხილებელ) დახმარებას;

ბ) აწარმოებს ბრძოლას გადამდებ სოციალურ და პროფესიონალურ ავადმყოფობათა წინააღმდეგ და წინასწარ ღონისძიებას მიიღებს მათი გავრცელების თავიდან ასაცილებლად;

გ) გაუწევს ყოველგვარ დახმარებას უმაღლეს ორგანოებს სამკურნალო ღონისძიებათა განხორციელების საქმეში, კერძოდ დაეხმარება ქალაქის ტერიტორიაზე მომქმედ ამ ორგანოების ყველა სამკურნალო და სასანიტარო-პროფილაქტიურ დაწესებულებას;

დ) მოაწვობს ქალაქის ფარგლებში სასანიტარო ზედამხედველობას;

ე) მოაწვობს და განახორციელებს სანიტარულ და პროფილაქტიურ ღონისძიებათ ქალაქის გასაჯანსაღებლად;

ვ) ხელს შეუწყობს მცხოვრებთა ფიზიკურად განვითარების საქმეს;

ზ) ხელს შეუწყობს დედათა, ბავშვთა და ძუძუმწოვართა დაცვის საქმის განვითარებას;

თ) მოაწვობს და განაგებს საბავშვო ბაგას, მოედანს და სხვ.

23. სოციალური უზრუნველყოფის სფეროში ტფილისის საბჭო:

ა) დახმარებას გაუწევს ფრონტზე ან სამსახურის მოვალეობის ასრულების დროს დაღუპულ წითელარმიელთა გაჭირვებულ ოჯახებს განსაკუთრებით იმათ, რომელთაც არა ჰყავთ შრომის უნარიანი წევრი და არა აქვთ მეურნეობისა ან სარეწაოს შემოსავალი;

ბ) ხელს უწყობს ინვალიდთა კოოპერაციის მოწყობის საქმეს;

გ) ხელს შეუწყობს საქალაქო კოოპერატივით დახმარების საზოგადოებათა და დახმარების საზოგადოებათა მოწყობის საქმეს;

დ) მოაწვობს ქალაქში მცხოვრებ ომისა და შრომის ინვალიდთა, მათ ოჯახთა და აგრეთვე მოხუცთა შრომის უნარდაკარგულთა უზრუნველყოფის საქმეს;

ე) მოაწვობს და ინახავს ინვალიდთა სახლებს.

შენიშვნა. ამ უფლებას ტფილისის საბჭო განახორციელებს სოციალური უზრუნველყოფის ადგილობრივი ორგანოების მეშვეობით.

24. კულტურულ-საგანმანათლებლო სფეროში ტფილისის საბჭო:

ა) მიიღებს ყოველგვარ ღონისძიებას ქალაქის მცხოვრებთა კულტურული და პოლიტიკური შეგნების განვითარებისათვის, რისთვისაც მოაწვობს და შეინახავს საერთო ხასიათისა და სპეციალურ სასწავლებლებს, კურსებს, კლუბებს, სასკოლოებს, წიგნთსაცავებს, მუზეუმებს, თეატრებს და სხვა პოლიტიკურ-განმანათლებელ დაწესებულებებს;

ბ) აწარმოებს ბრძოლას ბავშვთა უპატრონობასთან, დახმარებას გაუწევს უპატრონო ბავშვებს, მოაწვობს და შეინახავს საბავშვო სახლებს და ბაღებს;

გ) აწარმოებს ხელოვნებისა, ძველის დროისა, ყოფაცხოვრებისა, კულტურისა და ბუნების ძეგლთა და საგანთა აღნუსხვისა და დაცვის საქმეს;

დ) ხელს შეუწყობს მეცნიერულ და კულტურულ-საგანმანათლებლო ორგანიზაციებისა და დაწესებულებების განვითარებას.

25. სამხედრო სფეროში ტფილისის საბჭო:

ა) განახორციელებს ღონისძიებათ ჯარის ერთეულების საბინადროდ განაწილებისათვის და, არსებულ კანონების ფარგლებში, ზრუნავს კომუნალური მომსახურებით მათი უზრუნველყოფისათვის;

ბ) ხელს შეუწყობს სამხედრო უწყების ღონისძიებათა განხორციელებას.

თ ა ვ ი IV.

ტფილისის საბჭოს პლენუმის მუშაობა.

26. ტფილისის საბჭოს ახალი შედგენილობის პლენუმი აირჩევს პრეზიდიუმს, საბჭოს თავმჯდომარეს, სამანდატო კომისიას და მოისმენს საარჩევნო კომისიის ანგარიშს ქალაქის საბჭოს არჩევნების შესახებ.

27. შემდეგში ტფილისის საბჭოს პლენუმის სხდომას მოიწვევს მისი პრეზიდიუმი. ტფილისის საბჭოს პლენუმის მორიგი სხდომა მოხდება თვეში ერთხელ მაინც.

შენიშვნა. ტფილისის საბჭოს პლენუმის საგანგებო სხდომა მოიწვევა საბჭოს პრეზიდიუმის შეხედულებისამებრ ან საბჭოს წევრთა მოთხოვნით, რისთვისაც საჭიროა წევრთა საერთო რიცხვის 1/3 მაინც.

28. ტფილისის საბჭოს პლენუმის სხდომები უნდა მოეწყოს ხოლმე შეძლებისადაგვარად მშრომელი მასების სიახლოვეს: ფაბრიკებში, ქარხნებში, პროფესიონალურ კავშირთა კლუბებში და სხვ. საბჭოს სხდომის ადგილი, დრო და დღის წესრიგი უნდა გამოქვეყნდეს პრესაში 2 დღით ადრე მაინც.

29. ტფილისის საბჭოს პლენუმის სხდომაზე გადამწყვეტი ხმის უფლება აქვთ მხოლოდ წევრებს, კანდიდატებს-კი სათათბირო ხმის უფლება.

ტფილისის საბჭოს სხდომებში მონაწილეობის მისაღებად შეიძლება მიწვეულ იქნეს სათათბირო ხმის უფლებით არა წევრიც, ხოლო ისეთი პირი, რომელიც ქალაქის საქმეზე მუშაობს და აგრეთვე, ფაქტიური შესაძლებლობისადაგვარად საფაბრიკო-საქარხნო და ადგილობრივი კომიტეტებისა, პროფესიონალური კავშირებისა, წითელი არმიისა, ქალთა სადელეგატო კრებისა, მშრომელთა ჯგუფებისა და სხვა საზოგადოებრივი ორგანიზაციების წევრები და წარმომადგენლები სათათბირო ხმით.

30. ტფილისის საბჭოს პლენუმი:

ა) დაამტკიცებს ქალაქის ბიუჯეტს, სესხის აღებას და ბიუჯეტის შესრულების ანგარიშს;

ბ) მოისმენს მოხსენებებს ადგილობრივი მეურნეობისა და გამგებლობის საკითხების შესახებ;

გ) განიხილავს სათანადო დაწესებულებისა და პირის მოხსენებასა და ანგარიშს ყოველი დარგის მუშაობის შესახებ, რაც-კი ქალაქად სწარმოებს;

დ) განსაზღვრავს სექციების რიცხვსა და გამგებლობის საგნებს;

ე) განიხილავს სექციების მოქმედების გეგმას და მოისმენს მათ მუშაობის ანგარიშს;

ვ) განიხილავს პლენუმის მუშაობის გეგმას;

გ) მოისმენს და დაამტკიცებს თავისი პრეზიდიუმის ანგარიშს;

თ) აირჩევს დელეგატებს საბჭოთა ყრილობაზე;

ი) მოისმენს სამანდატო კომისიის მოხსენებას და დაამტკიცებს დეპუტატთა რწმუნებამოსილებას;

კ) განიხილავს საბჭოთა ადგილობრივი აღმშენებლობის ყველა სხვა საკითხს.

31. 30 მუხლში ჩამოთვლილი საკითხების გარდა, ტფილისის საბჭოს პლენუმს შეუძლიან განიხილოს, როგორც საკუთარი თაოსნობით, ისე ზემდგომი აღმასრულებელი კომიტეტის წინადადებით, ყველა საერთო-სახელმწიფოებრივი აღმშენებლობისა და პოლიტიკური მნიშვნელობის საკითხი.

რათა დეპუტატები წინასწარ გაეცნონ საბჭოს პლენუმის მორიგ სხდომაზე განსახილველ უაღრესი მნიშვნელობის საკითხებს, საჭირო მასალები თავის დროზე დაეგზავნებათ საბჭოს წევრებს ან გამოქვეყნდება პრესაში.

32. ტფილისის საბჭოს პლენუმის სხდომა კანონიერ სხდომად ჩაითვლება, უკეთეს მას დაესწრო საბჭოს წევრთა საერთო რიცხვის ნახევარი მაინც.

შენიშვნა. ეს ნორმა დატულ უნდა იქნეს არა მარტო სხდომის გახსნისას, არამედ მთლად სხდომის მუშაობის დროის განმავლობაში.

თ ა ვ ი V.

ტფილისის საბჭოს სექციები და კომისიები.

33. რათა ქალაქის საბჭოს და მისი ორგანოების პრაქტიკულ საქმიანობაში ჩაბმულ იქნეს საბჭოს ყველა წევრი და აგრეთვე მშრომელთა ფართო მასა, ტფილისის საბჭო, მისი მეურნეობისა და გამგებლობის ცალკე დარგების მიხედვით, დაიყოფა სექციებად.

სექციათა რიცხვს და მათი მუშაობის საგანს განსაზღვრავს საბჭო.

ტფილისის საბჭოსათვის სავალდებულოა შემდეგი სექციების მოწყობა:

- ა) კომუნალური-საბინაო;
- ბ) საფინანსო-საბიუჯეტო;
- გ) სახალხო განათლებისა;
- დ) სახალხო ჯანმრთელობისა.

საჭიროების მიხედვით საბჭოს შეუძლიან მოაწყოს სხვა სექციებიც როგორც არის ადმინისტრატიული-უფლებრივი, შრომისა, სავაჭრო-სამრეწველო, სოციალურ უზრუნველყოფისა, სამხედრო და სხვ.

34. საბჭოს წევრი ვალდებულია იმუშაოს საბჭოს ერთ-ერთ სექციაში თავისი არჩევით.

35. საბჭოს წევრების გარდა, სექციის წევრად შეიძლება იყოს პროფესიონალური კავშირისა, საფაბრიკო-საქარხნო და ადგილობრივი კომიტეტებისა, დედეგატთა კრებისა, მუშა-ქალებისა, წითელი არმიისა, ცალკე საზოგადოებრივი ორგანიზაციისა და მშრომელი მოსახლეობის ჯგუფის წარმომადგენელი, ხოლო პერსონალურად ყოველი მომუშავე, რომლის მონაწილეობაც სექციის მუშაობაში სასურველად იქნება მიჩნეული.

შენიშვნა. სექციის წევრად აუცილებლად უნდა იყოს ქალაქის სა-მუშაოს სათანადო დარგის მეთაური.

36. ტფილისის საბჭოს ან მის პრეზიდიუმს შეუძლიან ესა თუ ის დეპუტატი დროებით გაანთავისუფლოს სექციაში მუშაობისაგან.

37. სექციის მუშაობაში ყველა წევრს აქვს გადაწყვეტი ხმის უფლება.

შენიშვნა. სექციის ამა თუ იმ სხდომაზე მიწვეულს პირს, მაგ. ექსპერტს, მცოდნე პირს და სხვ. აქვს საათობრო ხმის უფლება.

38. სექცია:

ა) განიხილავს მუშაობის გეგმას მეურნეობისა და გამგებლობის სათანადო დარგის მიხედვით;

ბ) მოისმენს სათანადო ორგანოების ანგარიშს და ამის შესახებ წარუდგენს დასკვნას პლენუმს ან მის პრეზიდიუმს;

გ) გაეცნობა დაწესებულებათა, საწარმოთა და სხვ. მუშაობას მეურნეობისა და გამგებლობის სათანადო დარგების მიხედვით;

დ) მიუჩენს სექციის წევრებს ამა თუ იმ საწარმოსა, და დაწესებულებას, სათანადო დარგის მიხედვით, მუშაობისათვის მეთვალყურეობის გაწვევისა და ხელისშეწყობის მიზნით;

ე) მოისმენს ბიუროს მოხსენებებს სექციის გადაწყვეტილებათა და მუშაობის გეგმის შესრულების შესახებ;

ვ) გამოჰყოფს როგორც მუდმივ, ისე დროებით კომისიებს ტფილისის საბჭოს ქვემდებარე დაწესებულებათა და საწარმოთა მუშაობის გამოსაკვლევად და ცალკე საკითხების დასამუშავებლად;

ზ) განიხილავს საბჭოს წევრთა პირადი ინიციატივით შეტანილ პროექტებს, რაც მისი მუშაობის დარგს შეეხება;

თ) განიხილავს სხვადასხვა დაწესებულებისა, ორგანიზაციისა და კერძო პირის მიერ შეტანილ ასეთსავე პროექტებს, რაც მისი მუშაობის დარგს შეეხება;

ი) მონაწილეობას მიიღებს სათანადო ორგანოების მუშაობის ძირითადი საკითხების გეგმებისა და პროექტების განსახილველად მოწვეული თათბირება და კონფერენციებში.

შენიშვნა. სექციას უფლება არ აქვს უშუალოდ ჩაერიოს დაწესებულებისა, საწარმოს და თანამდებობის პირის მოქმედებაში და გააუქმოს ან შეაჩეროს მათი მოქმედება.

39. სექციის დადგენილებას დაამტკიცებს და განახორციელებს ტფილისის საბჭოს პრეზიდიუმი.

40. უკეთეს სექცია არ დაეთანხმება პრეზიდიუმის გადაწყვეტილებას მას უფლება აქვს საკითხი განსახილველად საბჭოს პლენუმს წარუდგინოს.

41. უაღრესი მნიშვნელობის საკითხს, რაც წინასწარ დამუშავებას საჭიროებს, საბჭოს პრეზიდიუმი სათანადო სექციას გადასცემს.

42. სექცია იკრიბება განსაზღვრულ ვადაზე, რასაც დააწესებს ტფილისის საბჭოს პლენუმი ან მისი პრეზიდიუმი და სექციის ბიურო. სექცია თავისი წრიდან აირჩევს ბიუროს, რომლის რწმუნებამოსილებაც სექციის რწმუნებამოსილების ვადას უდრის

43. ბიურო აირჩევს თავმჯდომარეს, მის მოადგილეს და სექციის მდივანს.

შენიშვნა. ტფილისის აღმასრულებელი კომიტეტის განყოფილების ხელმძღვანელი შეიძლება შედიოდეს ბიუროს შედგენილობაში, ხოლო სექციის თავმჯდომარედ კი არ შეიძლება იყოს.

44. ბიურო არის სექციის აღმასრულებელი და განმკარგულებელი ორგანო და იგი პასუხისმგებელია სექციის წინაშე. ბიურო ამზადებს სექციის პლენუმზე განსახილველ საკითხებს, აგროვებს და სისტემაში მოჰყავს საჭირო მასალები, აღწესს სექციებისა და მისი კომისიების წევრებს და აგრეთვე სხდომებზე მათ გამოცხადებას, შეადგენს სექციის მოქმედების ანგარიშს, წარმართავს დანიშნულებსა და სექციის დადგენილებას, თვალყურს ადევნებს მის შესრულებას, მონაწილეობას იღებს ტფილისის საბჭოს პრეზიდიუმის სხდომებში თავისი წარმომადგენლების მეშვეობით, რომელთაც ამ სხდომაზე სათათბირო ხმის უფლება აქვთ.

45. სექციის მუშაობის საერთო ხელმძღვანელობა ეკუთვნის ტფილისის საბჭოს პლენუმს და მის პრეზიდიუმს.

46. იმ საერთო ხასიათის საკითხთა განსახილველად, რაც ორს ან რამოდენსამე სექციას შეეხება, — ტფილისის საბჭოს პრეზიდიუმის ნებართვით, შეიძლება მოწვეულ იქნეს ბიუროებისა ან სექციების პლენუმების გაერთიანებული სხდომა.

შენიშვნა. თავისი მუშაობისათვის სექცია გამოიყენებს ტფილისის აღმასრულებელი კომიტეტის სათანადო განყოფილების აპარატს.

თ ა 3 0 VI.

ტფილისის საბჭოს წევრის უფლება-მოვალეობანი.

47. ტფილისის საბჭოს წევრი თავის მოვალეობას განახორციელებს:

ა) პირადი მონაწილეობით საბჭოს, მისი სექციებისა და კომისიების მუშაობაში;

ბ) საზოგადოებრივი მუშაობით, როგორც თავის დაწესებულებასა და საწარმოში, ისე სხვა საწარმოში;

გ) უშუალო და მჭიდრო კავშირით თავის ამომრჩეველებთან.

48. საბჭოს წევრი მოვალეა დაესწროს როგორც საბჭოს პლენუმისა, ისე იმ სექციისა და კომისიის სხდომას, სადაც იგი მუშაობს, შეასრულოს ყველა მათი დავალება.

შენიშვნა. უკეთეს საბჭოს წევრს არ შეუძლიან დაესწროს სხდომას ან შეასრულოს დავალება, იგი ვალდებულია ეს თავის დროზე აცნობოს საბჭოს პრეზიდიუმს, სექციის ბიუროს ან კომისიას.

49. სხდომებში მონაწილეობისა და დავალებათა შესრულების გარდა, ტფილისის საბჭოს წევრი:

ა) პირადად გაეცნობა მეურნეობის ან გამგებლობის ყოველ დარგს;

ბ) შეიტანს წინადადებას დაწესებულებასა თუ საწარმოს მუშაობაში მის მიერ შემჩნეული ნაკლის გამოსწორებისა და დაწესებულებისა თუ საწარმოს ორგანიზაციისა და მუშაობის გაუმჯობესების შესახებ;

გ) სამ თვეში ერთხელ მაინც წარუდგენს ამომრჩეველთა როგორც თავის, ისე საბჭოს, სექციისა და კომისიის მუშაობის ანგარიშს და ამომრჩეველთა შენიშვნებსა და წინადადებას შეიტანს საბჭოს განსახილველად;

დ) მუშაობს, როგორც საბჭოს წარმომადგენლად მიჩნეული, ამა თუ იმ საწარმოსა და დაწესებულებაში და იმ ამომრჩეველთა შორის, რომელნიც მოწყობილ არ არიან წარმოებითი შენაერთებად;

ე) თვალყურს ადევნებს, რათა განხორციელებულ იქნეს საბჭოს და იმ სექციისა თუ კომისიის გადაწყვეტილებანი, რომელშიაც იგი მუშაობს, და ყველა იმ დაბრკოლებას, რაც აღნიშნულ გადაწყვეტილებათა პრაქტიკულად განხორციელების დროს აღიძვრის, სათანადო ორგანოს აცნობებს.

50. ტფილისის საბჭოს წევრი, შეძლებისდაგვარად მონაწილეობას მიიღებს იმ დაწესებულებათა და საწარმოთა მუშა-მოსამსახურეების საერთო და სადელეგატო კრებებზე, აგრეთვე ორგანიზაციულად დაურაზმელ ჯგუფების ყრილობებზე, რომელთა წარმომადგენელიც იგი არის ან და რომლებთანაც იგი მუშაობს როგორც საბჭოს მიერ მიჩენილი წევრი.

51. ტფილისის საბჭოს წევრი მონაწილეობას მიიღებს ადგილობრივი ხასიათის საწარმოო თათბირებსა და კონფერენციებში, რასაც მოაწყობს იმ საწარმოს ან დაწესებულების ადმინისტრაცია, რომლებთანაც იგი მიჩენილია, აგრეთვე მონაწილეობას მიიღებს პროფესიონალურ და სხვ. საზოგადოებრივ ორგანიზაციების მიერ მოწყობილ ასეთსავე თათბირებში.

52. ამომრჩეველების საზოგადოებრივი აქტივობის განვითარებისათვის, საბჭოს წევრს დაეკისრება:

ა) წარუდგინოს მათ განსახილველად საბჭოსა, სექციებსა და კომისიებში გადასაწყვეტი მორიგი საკითხები;

ბ) აუხსნას და განუმარტოს მათ საბჭოს გადაწყვეტილებანი და გადაწყვეტილებათა შესრულების წესი;

გ) მიიღოს საჩივრები და პრეტენზიები და გადასცეს კუთვნილებისამებრ.

53. ის საწარმო და დაწესებულება, სადაც მსახურობს საბჭოს წევრი, მოვალეა საბჭოს ან მისი პრეზიდიუმის მოთხოვნით, განათავისუფლოს საბჭოს წევრი მუშაობისაგან იმ დროს განმავლობაში, რაც საჭიროა დეპუტატის მოვალეობათა შესასრულებლად.

54. სასყიდელს იმ დროისთვის, რასაც ტფილისის საბჭოს წევრი ამა დეპუტატობაში ვათვალისწინებულ სადეპუტატო მოვალეობის შესრულებას მონადომებს, უკეთუ ამ მოვალეობის ასრულება სამუშაო დროს მოდის, სათანადო დაწესებულება ან საწარმო, სადაც იგი მუშაობს, გადაუხდის ამ წევრს მისი საშუალო სამუშაო ხელფასის რაოდენობით.

55. ტფილისის საბჭოს წევრს, თავისი მანდატის წარდგენისთანავე, შეუძლიან თავისუფლად და რიგს გარეშე შევიდეს ქალაქის ყველა (გამოუკლებელი) დაწესებულებასა და საწარმოში, აგრეთვე უფლება აქვს მოითხოვოს და შეიძლოს საჭირო ცნობები და განმარტებანი, გარდა საიდუმლო ხასიათის ცნობებისა, რის მისაღებადაც საჭიროა პრეზიდიუმის ნებართვა.

56. უკეთეს ტფილისის საბჭოს წევრი დროებით დასტოვებს მუდმივ საცხოვრებელ ადგილს, იგი ვალდებულია ეს წინასწარ აცნობოს ტფილისის საბჭოს პრეზიდიუმს, რომელსაც ამ წევრის არ ყოფნის დროს საბჭოს შედგენილობაში შეჰყავს პირველი კანდიდატი იმავე საარჩევნო კრებისა.

57. ტფილისის საბჭოს წევრის დაპატიმრება არავის არ შეუძლიან საბჭოს პრეზიდიუმისა ან მისი თავმჯდომარისათვის წინასწარ შეუტყობინებლად.

განსაკუთრებულ შემთხვევაში შეიძლება წევრის დაპატიმრება, ხოლო ეს დაუყოვნებლივ უნდა ეცნობოს საბჭოს პრეზიდიუმს ან თავმჯდომარეს, იმ მიზეზების ახსნა-განმარტებით, რამაც გამოიწვია დაუყოვნებლივ დაპატიმრება.

58. უმოქმედობისა, მოსახლეობასთან უხეშად მოპყრობისა, უმაღლეს ორგანოთა დადგენილებისათვის დაუმორჩილებლობისა ან არაწესიერად შესრულებისათვის, აგრეთვე საბჭოს, სექციებისა და კომისიების დავალებათა შეუსრულებლობისა და საბჭოს სხდომებზე სისტემატიურად დაუსწრებლობისათვის (უკეთეს აღნიშნული მოქმედება არ შეიცავს სისხლის სამართლის ქმედობის ნიშნებს) ტფილისის საბჭოს წევრის მიმართ შეუძლიან მიიღოს ერთ-ერთი შემდეგი ღონისძიება დისციპლინალური ხასიათისა: გაფრთხილება, საყვედურის გამოცხადება, მისი მოქმედების ამომრჩევლებისათვის შეტყობინება და დეპუტატის უფლებების ჩამორთმევა.

წესი ქალაქის საბჭოს და დეპუტატების ანგარიშებისა ამომრჩეველთათვის.

59. ტფილისის საბჭო მოვალეა რეგულიარულად, ექვს თვეში ერთხელ მაინც წარუდგინოს ამომრჩევლებს ანგარიში თავისი მოქმედებისა და დაკისრებულ მოვალეობათა შესრულების შესახებ.

60. ტფილისის საბჭოს ანგარიში განიხილება ყველა კატეგორიის ამომრჩეველთა კრებაზე, რომელსაც მოიწვევს სათანადო პროფესიონალური, საბჭოთა და სხვა ორგანიზაცია, ყველა ერთად ან თვითთული ცალკე.

61. ანგარიშის წარდგენის დრო და ადგილი ამომრჩევლებს უნდა ეცნობოთ არა უგვიანეს სამი დღისა დანიშნულ ვადად.

62. საერთო კრება შემდგარად ჩაითვლება, უკეთეს მას დაესწრება სათანადო საარჩევნო ერთეულის ამომრჩეველთა რიცხვის ერთი-მესამედი მაინც. უკეთეს ამომრჩეველთა აღნიშნული რიცხვი არ გამოცხადდა, კრება დაინიშნება მეორედ, ხოლო არა უადრეს სამი დღისა პირველი სხდომის შემდეგ, და კანონიერად ჩაითვლება, რამდენი ამომრჩეველიც უნდა გამოცხადდეს.

63. საანგარიშო მოხსენებას განიხილავს საერთო კრება და გამოიტანს დადგენილებას, რომლითაც შეფასებულ უნდა იქნეს ქალაქის საბჭოს მოქმედება, ხოლო, თუ საჭირო იქნება, შეიძლება შეფასებულ იქნეს აგრეთვე საბჭოს ამა თუ იმ წევრის მუშაობაც.

64. უკეთეს წარდგენილი ანგარიში არ იქნება ცნობილი დამაკმაყოფილებლად, საერთო კრების დადგენილებაში შეიძლება აღინიშნოს.

ა) საბჭოს მუშაობის ნაკლი;

ბ) საბჭოს წევრის მუშაობის ნაკლულოვანება;

გ) გადაწყვეტილება დეპუტატის გაწვევის შესახებ.



65. ამომრჩეველთა საერთო კრებაზე შედგენილ იქნება სათანადო ოქმი, რომელშიაც აღინიშნება საარჩევნო ერთეულის ამომრჩეველთა რიცხვი, კრების მონაწილეთა რიცხვი, პრეზიდიუმის შედგენილობა, მოხსენების მოკლე შინაარსი, მოხსენებით გამოწვეული წინადადებები და მიღებული დადგენილება, მისი მომხრეთა და მოწინააღმდეგეთა რიცხვის აღნიშვნით.

ოქმს ხელს მოაწერს კრების პრეზიდიუმი და იგი სამი დღის განმავლობაში წარედგინება საბჭოს პრეზიდიუმს.

66. დადგენილება დეპუტატის გაწვევის შესახებ კანონიერია, უკეთეს ამ დადგენილებას ხმას მისცემს საარჩევნო ერთეულის ამომრჩეველთა რიცხვის ერთი მესამედი მაინც.

გამოქვეყნებულია გაზ. „კომუნისტის“ მე-65—70 № №-ში 1927 წ. მარტის 24—30.

46. დადგენილება № 34 ც. ა. კ.

სრულიად საქართველოს საბჭოთა ცენტრალური აღმასრულებელი კომიტეტის 1922 წლ. ოქტომბრის 30-ს თარიღისა და მე-13 №-რის დადგენილებით დაარსებული „მშრომელ ქალთა ყოფა-ცხოვრების გამაუმჯობესებელი კომისიის“ სახელწოდების შეცვლისა, ამავე კომიტეტის მიერ „საქართველოს ცენტრალურ აღმასრულებელ კომიტეტთან მშრომელ ქალთა ყოფა-ცხოვრების გამაუმჯობესებელი კომისიის დაარსების შესახებ“—1922 წ. ოქტომბრის 30 თარიღით და მე-13 №-რით გამოცემული დადგენილების გაუქმებისა და „მშრომელ ქალთა შრომისა და ყოფა-ცხოვრების გამაუმჯობესებელი კომისიის“ დებულების დამტკიცების შესახებ.

სრულიად საქართველოს საბჭოთა ცენტრალური აღმასრულებელი კომიტეტი ადგენს:


1. სრულიად საქართველოს საბჭოთა ცენტრალური აღმასრულებელი კომიტეტის 1922 წ. ოქტომბრის 30-ს თარიღისა და მე-13 №-რის დადგენილებით ამავე კომიტეტთან დაარსებულ „მშრომელ ქალთა ყოფა-ცხოვრების გამაუმჯობესებელი კომისიის“ შეიცვალოს სახელწოდება და ეწოდოს „მშრომელ ქალთა შრომისა და ყოფა-ცხოვრების გამაუმჯობესებელი კომისია“.

2. გაუქმებულ იქნას სრულიად საქართველოს ცენტრალური აღმასრულებელი კომიტეტის 1922 წ. ოქტომბრის 30-ს თარიღისა და მე-13 №-რის დადგენილება „საქართველოს ცენტრალურ აღმასრულებელ კომიტეტთან მშრომელ ქალთა ყოფა-ცხოვრების გამაუმჯობესებელი კომისიის დაარსების შესახებ“.

3. დამტკიცებულ იქნეს „მშრომელ ქალთა შრომისა და ყოფა-ცხოვრების გამაუმჯობესებელი კომისიის“ შემდეგი დებულება.

დ ე ბ უ ლ ე ბ ა

მშრომელ ქალთა შრომისა და ყოფა-ცხოვრების გამაუმჯობესებელი კომისიისა
1. დაარსებულ იქნეს სრულიად საქართველოს საბჭოთა ცენტრალურ აღმა-



სრულებელ კომიტეტთან მშრომელ ქალთა შრომისა და ყოფა-ცხოვრების გამაუმჯობესებელი კომისია.

2. მშრომელ ქალთა შრომისა და ყოფა-ცხოვრების გამაუმჯობესებელ კომისიაში შედიან:

თითო წარმომადგენელი:

სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმისა (იგივე—კომისიის თავმჯდომარე);

შრომის სახალხო კომისარიატისა (ამ კომისარიატთან ქალთა შრომის შესასწავლად არსებული კომისიის თავმჯდომარე ან მისი მოადგილე);

იუსტიციის სახალხო კომისარიატისა;

საქართველოს კომუნისტური პარტიის ცენტრალური კომიტეტის მუშა-ქალთა და გლეხ-ქალთა განყოფილებისა;

საქართველო კომუნისტური პარტიის ტფილისის კომიტეტის მუშა-ქალთა და გლეხ-ქალთა განყოფილებისა;

ტფილისის აღმასრულებელი კომიტეტისა;

რესპუბლიკანური კოაპერატიული ცენტრისა;

საქართველოს პროფესიონალურ კავშირთა საბჭოსი და

პასუხისმგებელი მდივანი, რომელსაც დანიშნავს სრულიად საქართველოს საბჭოთა ცენტრალური აღმასრულებელი კომიტეტი.

შენიშვნა. კომისიის შედგენილობას დაამტკიცებს სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმი.

3. კომისიის გამგებლობის საგანს შეადგენს:

ა) ქალთა ეკონომიური მდგომარეობის და ყოფა-ცხოვრების გამაუმჯობესებისათვის ღონისძიებათა შექმნა და სათანადო ორგანიზაციების მეშვეობით განხორციელება; ეს ღონისძიებაა—მოწყობა საერთო საცხოვრებლებისა, დროებით საცხოვრებელი სახლებისა, სახელსნობებისა, სხვადასხვაგვარი კურსებისა ქალთა კვალიფიკაციის წარმატებისათვის (მათ ორგანიზაციისათვის ხელის შეწყობა), ბაგებისა, დედის და ბავშვის სახლებისა, სასოფლო-სამეურნეო კომუნებისა, არტელებისა და სხვაგვარი მატერიალური დახმარების აღმოჩენა ქალთა სიღატაკისა, უმუშევრობისა და მეძავობასთან ბრძოლის საქმეში;

ბ) შემუშავება და არსებული წესისამებრ წარმართვა ისეთი კანონპროექტებისა, რომელთაც მომქმედ კანონმდებლობაში შეაქვთ ეს თუ ის დამატება ან ცვლილება მშრომელ ქალთა საბოლოო განთავისუფლებისა და ოჯახურ ურთიერთობაში და ყოფა-ცხოვრებაში ცრუ შეხედულებათა და ყალბ რწმენათა აღმოფხვრის მიზნით;

გ) ქალებისათვის იურიდიული დახმარების აღმოჩენა და, სათანადო ორგანიზაციების და აგრეთვე კომისიის იურისკონსულტის მეშვეობით, მათი ინტერესების დაცვა როგორც სასამართლოში, ისე მის გარეშე;

დ) ეროვნულ უმცირესობათა მშრომელ-ქალთა ინტერესების დასაცავად საჭირო ღონისძიების განხორციელება;

ე) ქალთა შორის კულტურულ-განმანათლებელი მუშაობის სათანადოდ დაყენებისათვის ხელისშეწყობა.

4. მშრომელ ქალთა შრომისა და ყოფა-ცხოვრების გამაუმჯობესებელი კომისია გამოაყოფს თავისი შედგენილობიდან პრეზიდიუმს სამ კაცისაგან, საქართველოს კომუნისტური პარტიის (ბ) ცენტრალური კომიტეტის მუშა-ქალთა განყოფილების წარმომადგენლისა და კომისიის პასუხისმგებელი მდივნის აუცილებელი მონაწილეობით.

5. კომისიას უფლება აქვს ყოველ ცალკე შემთხვევაში მოიწვიოს, სხდომის დღის წესრიგის მიხედვით, სათანადო სახალხო კომისარიატისა, სახელმწიფო დაწესებულებისა, პროფესიონალური, სამეურნეო, კოოპერატიული და სხვა ორგანიზაციის წარმომადგენელი; კომისიას უფლება აქვს აგრეთვე კოოპრაციის წესით მოიწვიოს მკოდნე პირნი სათათბირო ხმით.

6. მშრომელ ქალთა შრომისა და ყოფა-ცხოვრების გამაუმჯობესებელი კომისია ანგარიშგებელია სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმის წინაშე.

7. კომისია გამოიყენებს სრულიად საქართველოს საბჭოთა ცენტრალური აღმასრულებელი კომიტეტის ტექნიკურ აპარატს, მას ჰყავს აგრეთვე იურისკონსულტი და ტექნიკური მდივანი.

8. კომისიას აქვს სპეციალური ფულადი ფონდი, რასაც შეადგენს სახელმწიფო ბიუჯეტით ხარჯთ-აღრიცხვის ფარგლებში გაცემული თანხები, საქართველოს სსრ სახალხო კომისართა საბჭოს სარეზერვო ფონდიდან გამოყოფილი მიზნობრივი თანხები, უმუშევრობასთან ბრძოლის ფონდიდან გამოყოფილი მიზნობრივი თანხები და აგრეთვე სხვა წყაროები.

9. კომისიას უფლება აქვს შეიმუშავოს ინსტრუქცია ამა დადგენილების შესაფარდებლად.

10. აფხაზეთის სოც. საბჭ. რესპუბლიკისა, აჭარისტანის ავტონომიური სოც. საბჭ. რესპუბლიკისა და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტებთან მოეწყობა მშრომელ ქალთა შრომისა და ყოფა-ცხოვრების გამაუმჯობესებელი კომისიები, რომლებიც იმოქმედებენ სათანადო რესპუბლიკისა და ოლქის ცენტრალური აღმასრულებელი კომიტეტის მიერ ამა დებულების საფუძველზე დამტკიცებული დებულების თანახმად.

სრულიად საქართველოს საბჭოთა ცენტრალური
 აღმასრულებელი კომიტეტის თავმჯდომარე ფ. მაზარაძე.

სრულიად საქართველოს საბჭოთა ცენტრალური
 აღმასრულებელი კომიტეტის მდივანი ხ. თოდრია.

1927 წ. მარტის 15.

ტფილისი—სასახლე.

გამოქვეყნებულია ვახ. „კომუნისტის“ მე-77 №-ში 1927 წ. აპრილის 7.

47. დადგენილება № 35 ო. ა. ქ. და ს. ქ. ს.

მოუვლელობის გამო ქალაქად ხაცხოვრებელი შენობების მუნიციპალიზაციის შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ის საცხოვრებელი შენობა ქალაქად, რომლის მფლობელიც ამ შენობას დაქვევისაგან ვადარჩენისათვის საჭირო რემონტს არ უკეთებს, მუნიციპალიზაციით ჩამორთმეულ უნდა იქნეს ამა დადგენილებაში გათვალისწინებული წესისამებრ.

2. უკეთუ აღმოჩნდება ისეთი შენობა, რომელიც რემონტის გაუკეთებლობის გამო იქცევა, ადგილობრივი აღმასრულებელი კომიტეტი მოვალეა მოახდინოს გასინჯვა-დათვალიერება ამ შენობისა სპეციალური კომისიის მეშვეობით და ტექნიკური ზედამხედველობის მონაწილეობით.

3. უკეთუ გასინჯვა-დათვალიერებით გამორკვეულ იქნა, რომ შენობას მოვლა-პატრონობა აკლია და ეს იწვევს მის დაქვევას, ზემოაღნიშნული კომისია შეადგენს სათანადო აქტს შენობის მფლობელის თანდასწრებით. მფლობელის გამოუცხადებლობა, უკეთუ მან შეტყობინება მიიღო, ვერ დააბრკოლებს აქტის შედგენას.

4. ტექნიკური გასინჯვა-დათვალიერების აქტის შედგენასთან ერთად კომისია გამოიანგარიშებს შენობის საერთო შემოსავალს და ყველა, მის შესანახად საჭირო ხარჯს, აგრეთვე გამოარკვევს მფლობელის ნივთიერ შესაძლებლობას რემონტის გაკეთებისათვის.

5. უკეთუ გამორკვეული ცნობების მიხედვით ადგილობრივი აღმასრულებელი კომიტეტი დარწმუნდება, რომ მფლობელს შესაძლებლობა აქვს შენობის შემოსავლით ან სხვა რაიმე წყაროთი გააკეთოს საჭირო რემონტი, იგი მისცემს მფლობელს წერილობითი წინადადებას გასწიოს რემონტისათვის საჭირო ხარჯი, თანაც განუსაზღვრავს მუშაობისათვის საჭირო ვადას, რაც დამოკიდებულია სამუშაოს თვისებასა და ხასიათზე, აგრეთვე მფლობელის ნივთიერ შესაძლებლობაზე.

6. რემონტისათვის მიცემული ვადის გასვლისას, კომისია კვლავ მოახდენს შენობის გამოკვლევას, მფლობელისათვის წინასწარ შეტყობინებით.

მფლობელის გამოუცხადებლობა, უკეთუ შეტყობინება მიიღო, შენობის გამოკვლევას ვერ შეაჩერებს.

7. გამოკვლევის შედეგების თაობაზე კომისია შეადგენს აქტს ყველა დამსწრის ხელმოწერით.

8. უკეთუ გამოკვლევით (მუხ. 6) გამოირკვა, რომ შენობის მფლობელს დაკისრებული რემონტი არ გაუკეთებია, ადგილობრივი აღმასრულებელი კომიტეტი აღძრავს სათანადო სახალხო სასამართლოს წინაშე შუამდგომლობას, რათა სასამართლომ დაადასტუროს შენობის მოუვლელობის ფაქტი.

9. შენობის მოუვლელობის ფაქტის დამადასტურებელი სახალხო სასამართლოს გადაწყვეტილების ძალაში შესვლისას აღმასრულებელი კომიტეტი წინადადებას წარუდგენს სრულიად საქართველოს საბჭოთა ცენტრალური აღმასრუ-



ლებელი კომიტეტის პრეზიდიუმს შნობის მუნიციპალიზაციის შესახებ. წინადადებასთან ერთად წარდგენილ უნდა იქნეს ამა დადგენილების მე-3 და 7 მუხლ. აღნიშნული გასინჯვა-დათვალიერებისა და გამოკვლევის აქტები და აგრეთვე სახალხო სასამართლოს დადგენილების ასლი.

10. შნობის მუნიციპალიზაცია მოხდება სრულიად საქართველოს ცენტრალური აღმასრულებელი კომიტეტის დადგენილებით, საქართველოს სსრ სამოქალაქო სამართლის კოდექსის 1-ლი მუხ. თანახმად, უსასყიდლოდ.

შენიშვნა. გასინჯვა-დათვალიერების შედეგ (მე-3 მუხ.) შნობის მესამე პირის ხელში გადასვლა ვერ დააბრკოლებს მუნიციპალიზაციის ამა დადგენილებაში გათვალისწინებული წესით.

11. დადგენილება ესე შეჭანილ იქნეს საქართველოს სსრ სამოქალაქო კოდექსში 69 მუხლის შენიშვნის დანართად.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე **ფ. შახარაძე.**

საქართველოს სსრ სახალხო კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური აღმასრულებელი კომიტეტის მდივანი **ხ. თოდრია.**

1927 წ. მარტის 20.

ტფილისი—სასახლე.

გამოქვეყნებულია გაზ. „კომუნისტის“ მე-71 №-ში 1927 წ. მარტის 31.

48. დადგენილება № 36 ც. ა. კ. და ს. კ. ს.

საქართველოს სსრ სამოქალაქო სამართლის კოდექსის 69 მუხლისათვის შენიშვნის დამატების შესახებ.

სრულიად საქართველოს საბჭოთა მე II-ე მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე 2 მუხ. თანახმად—სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ სამოქალაქო სამართლის კოდექსის 69 მუხლს დაემატოს შემდეგი ზინაარსის შენიშვნა:

შენიშვნა. მოუვლელობის მიზეზით ქალაქად საცხოვრებელი შნობის მუნიციპალიზაცია მოხდება უსასყიდლოდ, განსაკუთრებული კანონით დადგენილი წესისამებრ.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე **ფ. შახარაძე.**

საქართველოს სსრ სახალხო კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური აღმასრულებელი კომიტეტის მდივანი **ხ. თოდრია.**

1927 წ. მარტის 20.

ტფილისი—სასახლე.

გამოქვეყნებულია გაზ. „კომუნისტის“ მე-74 №-ში 1927 წ. აპრილის 3.

49. დადგენილება № 37 ც. ა. კ. და ს. კ. ს.

საქართველოს სსრ ეკონომიურ საბჭოსთან არსებული სახელმწიფო საგეგმო კომისიის თავმჯდომარის მონაწილეობის შესახებ საქართველოს სსრ სახალხო კომისართა საბჭოს სხდომებში გადამწყვეტი ხმის უფლებით.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

საქართველოს სსრ ეკონომიურ საბჭოსთან არსებული სახელმწიფო საგეგმო კომისიის თავმჯდომარე საქართველოს სსრ სახალხო კომისართა საბჭოს სხდომებში მონაწილეობას გადამწყვეტი ხმის უფლებით მიიღებს.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე შ. ელიავა.

სრულიად საქართველოს საბჭ. ცენტრალური აღმასრულებელი
კომიტეტის მდივანი ს. თოდრია.

1927 წ. მარტის 20.

ტფილისი — სასახლე.

გამოქვეყნებულია გაზ. „კომუნისტის“ მე-75 №-ში 1927 წ. აპრილის 5.

50. დადგენილება № 38 ც. ა. კ. და ს. კ. ს.

სისხლის სამ. კოდექსის 82 და 82¹ მუხლების შეცვლის შესახებ.

სრულიად საქართველოს საბჭოთა მე-II-ე მოწვევის ცენტრალური აღმასრულებელი კომიტეტის მე-2 სესიის 1924 წლ. მარტის 10-ის თარიღისა და 77 №-რის დადგენილების მე-2 მუხლის თანახმად, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპ. სახალხო კომისართა საბჭო ადგენენ:

სისხლის სამართლის კოდექსის 82 და 82¹ მუხლები მიღებულ იქნეს შემდეგი რედაქციით:

მუხ. 82. თავის არიდება ჯარში გაწვევამდე წინასწარ მომზადებისაგან და შესამოწმებელ შეკრებისაგან გამოიწვევს

იძულებითი მუშაობას ორ თვემდე ან ჯარიმას ორას მანეთამდე.

თავის არიდება საშუალო და უფროს მეთაურთა სათადარიგო შედგენილობის მიერ სასწავლო შეკრებისაგან ან სამხედრო მსახურთა და წვევამდელთა ჯარგარეშე მომზადებაში ინსტრუქტორის სახით მონაწილეობის მიღებისაგან, აგრეთვე მუშათა და გლეხთა წითელი არმიის უფროს მეთაურთა სათადარიგო

შედგენილობის მიერ თავის არიდება მოძრავი თავმოყრისა, ველად გასვლისა, მანევრებისა და სამხედრო თამაშისაგან გამოიწვევს

იძულებით მუშაობას ორ თვემდე ან ჯარიმას სამას მანეთამდე.

მუხ. 82¹. თავის არიდება საცდელ და შესამოწმებელ მობილიზაციისაგან გამოიწვევს

იძულებით მუშაობას ექვს თვემდე ან ჯარიმას ხუთას მანეთამდე.

სრულიად საქართველოს საბჭოთა ცენტრალური აღმასრულებელი

კომიტეტის თავმჯდომარე ფ. მახარაძე.

საქართველოს სსრ. სახალხო კომისართა საბჭოს

თავმჯდომარე შ. ელიავა.

სრულიად საქართველოს საბჭოთა ცენტრალური

აღმასრულებელი კომიტეტის მდივანი ს. თოდრია.

1927 წ. მარტის 20.

ტფილისი—სასახლე.

51. დადგენილება № 39 ც. ა. კ. და ს. კ. ს.

სისხლის სამართლის კოდექსის თანახმად ადმინისტრაციული წესით სადევნელ ქმედობათათვის გადასახდელის დადების დებულების დამტკიცება და სამოქმედოდ შემოღების შესახებ.

სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

დამტკიცებულ და სამოქმედოდ შემოღებულ იქნეს ამასთანავე დართული დებულება სისხლის სამართლის კოდექსის თანახმად ადმინისტრაციული წესით სადევნელ ქმედობათათვის გადასახდელის დადების შესახებ.

სრულიად საქართველოს საბჭოთა ცენტრალური

აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო

კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრუ-

ლებელი კომიტეტის მდივანი ს. თოდრია.

1927 წ. მარტის 20.

ტფილისი—სასახლე.

დებულება

სისხლის სამართლის კოდექსის თანახმად ადმინისტრაციული წესით სადევნელ ქმედობათათვის გადასახდელის დადების შესახებ.

1. გადასახდელს ისეთ ქმედობისათვის, რაც სისხლის სამართლის კოდექსის თანახმად დევნილ უნდა იქნეს ადმინისტრაციული წესით, დაადებს სამაზ-

რო აღმასრულებელი კომიტეტის საადმინისტრაციო განყოფილების უფროსი, ხოლო იქ, სადაც ასეთი განყოფილება არ არსებობს—მაზრის მილიციის უფროსი, უკეთუ სისხლის სამართლის კოდექსის სათანადო მუხლში სხვა რამ არ არის ნათქვამი.

შენიშვნა. ადმინისტრატიული გადასახდელის დადების წესი ისეთი საქმის გამო, რაც თემის აღმასრულებელ კომიტეტს ექვემდებარება, განისაზღვრება განსაკუთრებული დებულებით.

2. ოქმს კანონის დარღვევის შესახებ შეადგენს მილიცია, ხოლო სათანადო შემთხვევაში ის ორგანო, რომელსაც საამისო უფლება მინიჭებული აქვს სპეციალური კანონით. სოკულად ოქმის შედგენა შეუძლიან აგრეთვე თემის აღმასკომის წევრსაც.

3. ოქმს ხელს მოაწერენ ოქმის შემდგენი, ბრალდებული და მოწმეები, უკეთუ ეს უკანასკნელი იქნებიან.

უკეთუ ბრალდებული იუარებს ოქმზე ხელის მოწერას, ეს გარემოება და უარის მოტივი აღნიშნება ოქმში. ხელის მოწერაზე უარის თქმა ვერ შეაჩერებს ოქმის სათანადოდ წარმართვას.

4. შედგენილი ოქმი დაუყოვნებლივ გაიგზავნება კუთვნილებისამებრ, დებულების 1 მუხ. თანახმად.

შენიშვნა 1. უკეთუ კანონს დაარღვევს მცირეწლოვანი ან არასრულწლოვანი 16-წლამდე, ოქმი გაეგზავნება არასრულწლოვანთა საქმეების კომისიას.

შენიშვნა 2. უკეთუ ამა მუხლის წესისამებრ გაგზავნილ ოქმიდან სჩანს, რომ საქმე სასამართლოს ან სხვა ორგანოს ექვემდებარება, ოქმის მიმღები ორგანო მას კუთვნილებისამებრ გაჰგზავნის.

5. უკეთუ გადასახდელის ადმინისტრატიული წესით გადაწყვეტამდე, საქმეს განსახილველად სასამართლო მიიღებს, ბრალდებულს ადმინისტრატიული გადასახდელი ამავე ქმედობისათვის ვერ დაედება.

6. ადმინისტრატიული წესით გადასახდელის დადება შეიძლება მხოლოდ სამი თვის განმავლობაში დღიდან დანაშაულის ჩადენისა. ამ ვადის გასვლის შემდეგ საქმე მოისპობა.

7. დადგენილება გადასახდელის დადების შესახებ უნდა იყოს წერილობითი. დადგენილებაში აღნიშნულ უნდა იქნეს:

ა) დადგენილების გამოტანის დრო—წელიწადი, თვე და რიცხვი;

ბ) თანამდებობის პირი, რომელსაც დადგენილება გამოიტანა;

გ) დამნაშავის სახელი, მამის სახელი, გვარი, წლოვანება და სოციალური მდგომარეობა;

დ) ქმედობა, რაც დამნაშავეს ბრალად ედება, და ქმედობის ჩადენის ადგილი და დრო;

ე) სისხლის სამართლის კოდექსის მუხლი, რითაც გათვალისწინებულია ქმედობა;

ვ) დადებული გადასახდელი;

და გენილებას ხელს მოაწერს ის პირი, რომელმაც იგი გამოიტანა.

8. ის ქმედობა, რომელიც ბრალად ედება დამნაშავეს, საცხებით უნდა შეეთვრებოდეს სისხლის სამართლის კოდექსის იმ მუხლს, რაც აღნიშნულია დადგენილებაში გადასახდელის დადების შესახებ.

9. გადასახდელის დადების დადგენილების ასლი უნდა ჩაჰბარდეს იმ პირს, რომელსაც გადასახდელი დაეძვა, თანაც უნდა გამოეტყვას განსაჩივრების წესი და ვადა.

10. იმ პირს, ვისაც გადასახდელი დაეძვა, შეუძლიან შვიდი დღის განმავლობაში დღიდან დადგენილების ასლის ჩაბარებისა, სთხოოს გადასახდელის გადამწვევტ ორგანოს აღნიშნული დადგენილების გადასინჯვა ან განსაჩივროს ეს დადგენილება სათანადო სამაზრო აღმასრულებელი კომიტეტის პრეზიდენტში.

11. საჩივარი შეტანილ უნდა იქნეს გადასახდელის დამდებ ორგანოს მეშვეობით, ხოლო იგი სამის დღის განმავლობაში წარადგენს ამ საჩივარს მთლად საკმითურთ კუთვნილებისამებრ.

12. საჩივრის შეტანა ან თხოვნა დადგენილების გადასინჯვის თაობაზე შეაჩერებს გადასახდელის დადების შესახებ გამოტანილი დადგენილების ასრულებას.

13. უკანონოდ დადებული გადასახდელი გაუქმებულ უნდა იქნეს, ხოლო, უკეთუ გადასახდელი წინასწარი შეცნობით უკანონოდ იყო დადებული, მისი დამდები თანამდებობის პირი პასუხისგებაშია ცივი მიიღება სისხლის სამართლის კოდექსის 109 მუხლის ძალით.

14. დადგენილებას გადასახდელის ადმინისტრაციული წესით დადების შესახებ ასრულებს მილიცია.

15. დადგენილება გადასახდელის ადმინისტრაციული წესით დადების შესახებ ასრულებულ უნდა იქნეს არა უგვიანეს ერთის წლისა კანონიერ ძალაში შესვლის დღიდან. უკეთუ დადგენილება აღნიშნულ ვადაზე არ იქნება ასრულებული, იგი ძალასა ჰკარგავს.

შენიშვნა 1. დადგენილება გადასახდელის დადების შესახებ კანონიერ ძალაში შედის იმ ვადის გასვლისთანავე, რაც დაწესებულია განსაჩივრებისათვის, უკეთუ თხოვნა დადგენილების გადასინჯვის შესახებ ან საჩივარი შეტანილი არ ყოფილა; ხოლო, უკეთუ თხოვნა ან საჩივარი შეტანილია, — მისი უშედეგოდ დატოვებისთანავე.

შენიშვნა 2. სამაზრო აღმასრულებელი კომიტეტის პრეზიდენტის დადგენილება საბოლოოა და არ განისაჩივრება.

გამოკვეყნებულია ვაზ. „კომუნისტის“ მე-89 №-ში 1927 წ. აპრილის 21.

52. დადგენილება № 40 ც. ა. კ. და ს. კ. ს.

სისხლის სამართლის კოდექსის მე-15 მუხლისათვის შენიშვნის დ.მატების შე-
სახება.

სრულიად საქართველოს საბჭოთა მე-II მოწვევის ცენტრალური აღმა-
სრულებელი კომიტეტის მე-2 სესიის 1924 წლ. მარტის 10-ის თარიღისა და
77 №-რის დადგენილების მე-2 მუხ. წესისამებრ, სრულიად საქართველოს სა-
ბჭოთა ცენტრალური აღმასრულებელი კომიტეტი და საქართველოს სოც. საბჭ.
რესპუბლიკის სახალხო კომისართა საბჭო ადგენენ:

საქართველოს სოც. საბჭ. რესპუბლიკის სისხლის სამართლის კოდექსის
მე-15 მუხლს დაემატოს შენიშვნა შემდეგი შინაარსისა:

„ამა მუხლით დაწესებული ხაზდაზმულობის ვადა არ გავრცელდება ისეთ
ქმედობაზე, რაც, ამა კოდექსის თანახმად, დევნილ უნდა იქნეს ადმინისტრა-
ტიული წესით; გადასახდელის დადება ასეთ ქმედობისათვის შეიძლება მხოლოდ
საში თვის განმავლობაში დღიდან ქმედობის ჩადენისა, ხოლო იმ დადგენილე-
ბის ასრულება კი, რომლითაც აღნიშნული გადასახდელია დადებული, — ერთი
წლის განმავლობაში დღიდან დადგენილების კანონიერ ძალაში შესვლისა.

სრულიად საქართველოს საბჭოთა ცენტრალური აღმასრუ-
ლებელი კომიტეტის თავმჯდომარე **ფ. მახარაძე.**

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური
აღმასრულებელი კომიტეტის მდივანი **ხ. თოდრია.**

1927 წ. მარტის 20.
ტფილისი — სასახლე.

გამოქვეყნებულია გაზ. „კომუნისტი“ მე-№ 86 1927 წ. აპრილის 17.

53. დეკრეტი ც. ა. კ. და ს. კ. ს.

მოქალაქეთა ადმინისტრაციული წესით გამოსახლების შესახებ მათ მიერ და-
ჭერილ სადგომებიდან.

იმ დადგენილებათა გასაერთიანებლად და შესაცვლელად, რაც წინა დროს
გამოცემული ადმინისტრაციული წესით მოქალაქეთა გამოსახლების შესახებ მათ
მიერ დაჭერილ სადგომებიდან, და საქართველოს სსრ სამოქალაქო სამართლის
კოდექსის 172 მუხ. განსავითარებლად სრულიად საქართველოს საბჭოთა ცენ-
ტრალური აღმასრულებელი კომიტეტი და საქართველოს სოც. საბჭ. რესპუბლი-
კის სახალხო კომისართა საბჭო ადგენენ:

მუხ. 1. ადმინისტრაციული წესით მოქალაქეთა გამოსახლება მათ მიერ და-
ჭერილ სადგომებიდან შეიძლება მხოლოდ იმ წესით და იმ პირობებში, რაც გა-
თვალისწინებულია ამა დეკრეტით.

მუხ. 2. ადმინისტრაციულს წესით გამოსახლება გამოსახლებულისათვის თავისუფალი საცხოვრებელი სივრცის მიუცემლად შეიძლება ყოველ ჟამს წლის განმავლობაში:

ა) იმ სასტუმროების სადგომებიდან, რომლებიც ცენტრალური და ადგილობრივი სახელმწიფო ორგანოების უშუალო სამეურნეო გამგებლობაშია ან და მათ მიერ იჯარითაა გაცემული: 1) იმ პირისა, რომელსაც სადგომი დღითურად აქვს დაქირავებული, უკეთუ გადასახდელი ქირა არ შეიტანა სამი დღის განმავლობაში ანგარიშის ჩაბარების დღიდან, ხოლო იმ პირობით-კი, რომ მოთხოვნა სადგომის დაცლის შესახებ მას ერთი დღით ადრე განეცხადოს; 2) იმ პირისა, რომელსაც სადგომი წერილობითი შეთანხმებით თვითურად აქვს დაქირავებული, უკეთუ ქირა არ შეიტანა ერთი კვირის განმავლობაში ანგარიშის ჩაბარების დღიდან, ხოლო იმ პირობით-კი, რომ მოთხოვნა სადგომის დაცლის შესახებ მას სამი დღით ადრე განეცხადოს; 3) იმ პირისა, რომელიც დაარღვევს სასტუმროში დგომისათვის არსებულ სავალდებულო დადგენილებებსა და წესებს, რომელიც განზრახ გააუარესებს სასტუმროს ქონებას ან თავისი ყოფაქცევით შექმნის ისეთ პირობებს, რომ მასთან ერთად ცხოვრება სხვა მდგმურებისათვის შეუძლებელი იქნება; მოთხოვნა სადგომის დაცლის შესახებ ასეთ მდგმურს სამი დღით ადრე უნდა განეცხადოს;

ბ) იმ საერთო საცხოვრებელიდან და ბარაკიდან, რასაც სამუშაოს მიმცემი მისცემს მუშა-მოსამსახურეებს სასეზონო ან დროებითი სამუშაოზე დაქირავების დროს; ასეთ შემთხვევაში გამოსახლებულს გამოსახლებისათვის უნდა მიეცეს ვადა არა ნაკლებ შეიდი დღისა;

გ) იმ სადგომიდან, რაც საპატიმრო ადგილების ადმინისტრაციული პერსონალისა და ზედამხედველობის ისეთ პირთა საცხოვრებლად არის დანიშნული, ვინც თავისი სამსახურის ხასიათის გამო უნდა იცხოვროს საპატიმრო ადგილის ფარგალში; ასეთ პირს გამოსახლებისათვის უნდა მიეცეს ვადა არა ნაკლებ ორი კვირისა;

დ) იმ საერთო საცხოვრებელიდან, რაც დანიშნულია მილიციისა ან მთავარი პოლიტიკური სამმართველოს ორგანოების სამწყობრო ნაწილის საცხოვრებლად, აგრეთვე იმ სპეციალური საერთო-საცხოვრებელიდან, რაც სახელმწიფო და საზოგადოებრივ დაწესებულებების უშუალო გამგებლობაშია (ამა დეკრეტის მე-3 მუხ. აღნიშნულ შემთხვევათა გამოკლებით); ასეთ პირს გამოსახლებისათვის უნდა მიეცეს ვადა არა ნაკლებ ორი კვირისა;

ე) ნაციონალიზაციაქმნილი და მუნიციპალიზაციაქმნილი სახლიდან, აგრეთვე კერძო მფლობელის სახლიდან ყველა იმ პირისა, რომელმაც თვითნებობით, სახლის სამოურაოს ან სახლის პატრონის ნებადაურთველად, დაიპირა დამოუკიდებლად სადგომი, უკეთუ ამის შესახებ მილიციის სათანადო ორგანოს განეცხადა 14 დღის განმავლობაში დღიდან სადგომის თვითნებობისა და დაქერისა;

ვ) ისეთ სადგომიდან, რაც საცხოვრებლად მიცემული აქვს შინა-მოსამსახურეს, სახლის მუშას, დარაჯს და სახელმწიფო საჯინიბოს მეჯინიბეს, უკეთუ

იგი სამსახურს თავს დაანებებს ან დათხოვნილ იქნება; ასეთ შემთხვევაში საჭიროა ორი კვირის ადრე გაფრთხილება;

ზ) ნაციონალიზაციაქმნილი და მუნიციპალიზაციაქმნილი სახლიდან ყველა იმ მოქალაქისა, ვინც არ ეკუთვნის ამა დეკრეტის მე-5 მუხ. აღნიშნულ პირთა კატეგორიას; ასეთ მოქალაქეს გამოსახლებისათვის უნდა მიეცეს ვადა არა ნაკლებ ერთი თვისა;

თ) ისეთი სახლიდან, რაც ტექნიკური ზედამხედველობის დასკვნით, დაშლილ უნდა იქნეს მოსალოდნელი ჩამოწოლის გამო;

ი) ტფილისის აღმასრულებელი კომიტეტის გამგებლობაში ქონებული მალაზიის თვალისა იმ პირისა, რომელსაც ეს მალაზიის თვალი, ამა დეკრეტის გამოცემის შემდეგ, მიეცემა დროებით საცხოვრებლად; ასეთი პირის გამოსახლება შეიძლება იმ ვადის გასვლის შემდეგ, რა ვადითაც სადგომი ჰქონდა მიცემული.

მუხ. 3. ადმინისტრაციულის წესით გამოსახლება თავისუფალი საცხოვრებელი სივრცის მიუცემლად, ხოლო გამოსახლებისათვის აუცილებლად ერთი თვის ვადის მიცემით და ისიც მხოლოდ აპრილის 1-დან დაწყებული პერიოდის განმავლობაში ვიდრე ნოემბრის 1-მდე, შეიძლება:

ა) სტუდენტთა საერთო-საცხოვრებლიდან და ინტერნატიდან იმ პირისა, რომელმაც სწავლის კურსი დაამთავრა ან სხვა რაიმე მიზეზით სასწავლებლიდან გამოვიდა, აგრეთვე ასეთი პირის ოჯახისა;

ბ) სასწავლებელსა და სამეცნიერო დაწესებულებასთან არსებულ ინტერნატიდან და საერთო-საცხოვრებლიდან, უკეთუ იქ მცხოვრებმა პირმა დაამთავრა სწავლის კურსი ან სხვა რაიმე მიზეზით გამოვიდა ამ სასწავლებლიდან ან დაწესებულებიდან.

მუხ. 4. ადმინისტრაციულის წესით გამოსახლება ყოველ ეამს წლის განმავლობაში გამოსახლებისათვის არა ნაკლებ ერთი თვის ვადის მიცემით და ამა დეკრეტის მე-5 მუხ. ჩამოთვლილ მოქალაქეთათვის აუცილებლად საცხოვრებლად ვარგისი თავისუფალი სივრცისა და სატრანსპორტო საშუალებათა მიცემით, შეიძლება:

ა) სპეციალური დანიშნულების სახლიდან, როგორც არის: სკოლა, მუზეუმი, ბანკი, ბიბლიოთეკა, სამკურნალო, სასანიტარო დაწესებულება, საინვალიდო სახლი, საბავშვო სახლი და საბავშვო ბაღი;

ბ) მომკმედი ფაბრიკა-ქარხნის ტერიტორიაზე მდებარე სახლიდან;

გ) იმ პირთა საცხოვრებლად დანიშნული სადგომიდან, რომლითაც თავისი სამსახურის ხასიათის გამო უნდა იცხოვრონ დაწესებულებასთან ან საწარმოსთან;

დ) იმ სახლიდან, რაც სახალხო კომისარიატსა და ცენტრალურ სახელმწიფო დაწესებულებას უჭირავს, უკეთუ მის მიერ დაჭერილია მთლად სახლის საცხოვრებელი სივრცის სამ-მეოთხედზე არა ნაკლები;

ე) იმ სახლიდან, რაც სამხედრო უწყებას ეკუთვნის ან სამხედრო უწყებისათვის არის მიჩენილი სამხედრო მსახურთა და მათ ოჯახთა მოსათავსებლად;

ვ) მუნიციპალიზაციაქმნილი სავაჭრო-სამრეწველო ხასიათის სადგომიდან;
 ზ) ისეთი სახლიდან, რაც დაქცეულ უნდა იქნეს სახელმწიფო და საზოგადოებრივი საქიროების გამო, მაგალითად, ქუჩისა და მოედნის ვასაფართოებლად, გზის გასაყვანად და სხვ.

ამა მუხლის „ა“, „ბ“, „გ“, და „ე“ პუნ. გათვალისწინებულ შემთხვევაში აღმინისტრაციული წესით გამოსახლების საფუძვლად უნდა იყოს ის გარემოება, რომ გამოსახლებელმა პირმა დაჰკარგა ან მას აღარ აქვს კავშირი მუშაობისა ან სამსახურის სფეროში იმ დაწესებულებასა თუ საწარმოსთან, რომელსაც უჭირავს სახლი თუ სადგომი.

მუხ. 5. საცხოვრებლად ვარგისი თავისუფალი სივრცისა და სატრანსპორტო საშუალებათა მიცემა სავალდებულოა მე-4 მუხლში აღნიშნული სახლებისა და სადგომებიდან შემდეგი კატეგორიის მოქალაქეთა გამოსახლების დროს:

ა) მუშებისა, მოსამსახურეებისა, სამხედრო მსახურთა და მათი ოჯახებისა;

ბ) ომისა და შრომის ინვალიდებისა, რომელნიც სოციალური უზრუნველყოფის ორგანოს მზრუნველობაზე ირიცხებიან ან უზრუნველყოფილ არიან სოციალური დაზღვევის წესით, და მათი ოჯახებისა, აგრეთვე სოციალურ უზრუნველყოფის ორგანოს მზრუნველობაზე მყოფ სხვა პირთა და მათი ოჯახებისა;

გ) იმ უმუშევრებისა, რომელნიც დახმარებას სოციალური დაზღვევის წესით იღებენ ან აღარ იღებენ ამ დახმარების მიღებისათვის არსებულ ვადის გასვლის გამო, და მათი ოჯახებისა, აგრეთვე იმ უმუშევრებისა, რომელნიც მუშაობენ შრომის ბირჟის მიერ საწარმოში და შრომითი კოლექტივებში მოწყობილ საზოგადოებრივ სამუშაოზე, და მათი ოჯახისა, აგრეთვე ყველა უმუშევრისა, რომელიც პროფესიონალური კავშირის წევრია, და მათი ოჯახებისა;

დ) საშუალო და უმაღლესი სასწავლებლისა და პროფესიონალურ-ტექნიკური სკოლების მოსწავლეებისა;

ე) იმ შინა-მრეწველებისა და ხელოსნებისა, რომელნიც დაქირავებულ შრომას არ იყენებენ ან რომელთაც ერთ მუშაზე თუ ორ შაგირდზე მეტი არა ჰყავთ და თანაც შინა-მრეწველთა და ხელოსანთა საზოგადოების წევრებად ირიცხებიან;

ვ) ყოფილ პოლიტ-კატორღელთა და გადასახლებულთა საზოგადოების წევრებისა;

თ) ექიმებისა, დამცველთა კოლეგიის წევრებისა, ლიტერატორებისა და მხატვრებისა, უკეთუ ისინი მხოლოდ თავის სპეციალობაში მუშაობენ და მათ მიერ გადასახდელი საშემოსავლო გადასახადი არ აღემატება უმაღლესი კატეგორიის საბჭოთა პასუხისმგებელ თანამშრომლების საშემოსავლო გადასახადის რაოდენობას.

შენიშვნა 1. უკეთუ აღნიშნულ პირთ საცხოვრებლად ვარგისი თავისუფალი სივრცე და სატრანსპორტო საშუალებანი დაუყოვნებლივ მიეცემათ, მათი გამოსახლება შეიძლება შვიდი დღის ვადაზე.

შენიშვნა 2. ის პირნი, რომელთაც ამა მუხლში ჩამოთვლილ მოქალაქეთა კატეგორიას არ ეკუთვნიან, გამოსახლებულ უნდა იქნენ საცხოვრებელი სივრცისა და სატრანსპორტო საშუალებათა მიუცემლად.

მუხ. 6. ნორმის მიხედვით საცხოვრებლად მიცემული თავისუფალი სივრცის ვარგისობა უნდა დაადასტუროს, უკეთუ ამაზე თხოვნა იქნება განცხადებული, საბინაო-სასანიტარო ინსპექციამ, ხოლო სადაც იგი არ არის—სასანიტარო ექიმმა.

მუხ. 7. ისეთი მოქალაქის გამოსახლება, რომელიც თუმცა არ ეკუთვნის მოსახლეობის არც ერთ იმ კატეგორიას, რაც მე-5 მუხლშია აღნიშნული, ხოლო რომელსაც თავისი ხარჯით კაპიტალურად შეუკეთებია თავისი სადგომი, შეიძლება მიიღოს იმ პირობით, უკეთუ მას მიეცემა საცხოვრებლად ვარგისი თავისუფალი სივრცე.

ასეთი პირის გამოსახლება შეიძლება საცხოვრებელი სივრცის მიუცემლადაც იმ შემთხვევაში, უკეთუ კაპიტალური შეკეთების შემდეგ სამი წელიწადია გასული.

მუხ. 8. წითელარმიელის ოჯახი შეიძლება გამოსახლებულ იქნეს ადმინისტრაციულის წესით ამა დეკრატის თანახმად მხოლოდ იმ პირობის შესრულებით, რაც გათვალისწინებულია „მუშათა და გლეხთა წითელ არმიისა და მუშათა და გლეხთა წითელი ფლოტის სამხედრო მსახურთა შეღავათებისა და უპირატესობის კოდექსის“ (სსრკ კან. კრ. 1924 წ. 21 №-რი, მუხ. 198) 27 მუხლისა და ამ მუხლის შენიშვნით.

მუხ. 9. ადმინისტრაციულის წესით გამოსახლება მოხდება სახლის სამოურაოს, სახლის მფლობელისა, სასტუმროს პატრონისა, სამუშაოს მიმცემისა და იმ პირთა განცხადების გამო, რომელთაც დაკისრებული აქვთ ნაციონალიზაცია-ქმნილი და მუნიციპალიზაცია-ქმნილი სახლებისა და დაწესებულებისა და საწარმოს მიერ დაქერილი სადგომების გამგებლობა, და მილიციის იმ ორგანოს განკარგულებით, რომელიც საამისოდ უუღებამოსილია შინაგან საქმეთა სახალხო კომისარიატის მიერ.

მუხ. 10. დაინტერესებულ პირს შეუძლიან განასაჩივროს განკარგულება გამოსახლების შესახებ საპროკურორო ზედამხედველობის სათანადო ორგანოში, რომელსაც უფლება აქვს შეაჩეროს განსაჩივრებული განკარგულების აღსრულება და თანაც საერთო წესისამებრ განაპროტესტოს იგი.

მუხ. 11. რკინის გზების განთვისების ზოლის მიდამოში და წყალსავალი გზების გვერდით მდებარე, ამ გზების საპირობათა დამკამაყოფილებელ მიწის ნაკვეთებზე აგებულ სადგომებიდან იმ პირთა გამოსახლება ადმინისტრაციულის წესით, რომელნიც ვხათა სახალხო კომისარიატის სამსახურში არ ირიცხებიან, მოხდება ამიერკავკასიის ცენტრალური აღმასრულებელი კომიტეტის 1925 წლის თებერვლის 2-ს თარიღისა და ოქტომბრის 12-ს თარიღის დადგენილებით (ა. კ. სუსრ კან. კრ. 1925 წ. მე-2 №-რი, მუხ. 360 და მე-10 №-რი, მუხ. 521) გათვალისწინებული საფუძვლითა და წესით.

მუხ. 12. საყაზარმო სადგომებიდან იმ პირთა გამოსახლება, რომელნიც მუშათა და გლეხთა წითელი არმიისა ან სამხედრო და საზღვაო სახალხო კომისარიატის დაწესებულებათა სამსახურში არ ირიცხებიან, მოხდება ამიერკავკასიის ცენტრალური აღმასრულებელი კომიტეტის 1925 წ. ნოემბრის 9-ს თარი-

ლის დადგენილებით (ა. კ. სფსრ კან. კრ. 1925 წ. მე-11 №-რი, მუხ. 551) განსაზღვრული წესისამებრ.

მუხ. 13. დაველოს შინაგან საქმეთა სახალხო კომისარიატს, იუსტიციის სახალხო კომისარიატთან შეთანხმებით, ორი კვირის ვადაზე დღიდან ამა დეკრეტის გამოქვეყნებისა, გამოსცეს ინსტრუქცია ამა დეკრეტის შესაფარდებლად.

მუხ. 14. ამა დეკრეტის გამოქვეყნებისთანავე გაუქმებულ იქნეს: საქართველოს სსრ სახალხო კომისართა საბჭოს 1925 წ. ოქტომბრის 10-ს თარიღისა და 33-№-რის დადგენილება (საქართველოს სსრ კან. კრ. 1925 წ. მე-3 №-რი, მუხ. 103) და სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1923 წლის სექტემბრის 26-ს დეკრეტი (საქართველოს სსრ კან. კრ. 1923 წ. მე-2 №-რი, მუხ. 20) მე-5 მუხლის „ე“ პუნქტი და მე-6 მუხლი.

მუხ. 15. დეკრეტი ესე შეტანილ იქნეს საქართველოს სსრ სამოქალაქო სამართლის კოდექსში 172 მუხლის დანართად.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე **ფ. შახარაძე.**

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური
აღმასრულებელი კომიტეტის მდივანი **ს. თოდრია.**

1927 წ. მარტის 20

ტფილისი—სასახლე.

გამოქვეყნებულია გაზ. „კომუნისტის“ მე-99 №-ში 1927 წ. მაისის 5.

სახალხო კომისართა საბჭოს დადგენილება.

54. დადგენილება ს. კ. ს.

აქარისწყალის ჰიდრო-ელექტრო-სადგურის გვირაბის აღმოსავლეთ ნაწილში ზეავის ჩამოწოლის მიზეზების გამოხარკვევად სპეციალური ტექნიკური კომისიის დ. ნიშნის შესახებ.

აქარისწყალის ჰიდრო-ელექტრო-სადგურის ქვედა გვირაბის აღმოსავლეთ ნაწილში 1927 წ. მარტის 9-ს ზეავის ჩამოწოლის მიზეზებისა და იმ გარემოების გამოხარკვევად, არის ვინმე დამნაშავე ამ კატასტროფისა და აქარისწყალის ჰიდრო-ელექტრო-სადგურის მუშაობის ხელმძღვანელის ინჟ. კალაშნიკოვისა და სხვების დაღუპვისა, დანიშნულ იქნეს სპეციალური ტექნიკური კომისია ინჟ. ა. ჯორჯაძის თავმჯდომარეობით და ინჟ. კარელინისა და ინჟ. შახუდალოვის შედგენილობით.



აღნიშნული კომისია დღევანდელ, 1927 წ. მარტის 10-ს, უნდა გაემგზავროს კატასტროფის ადგილს.

საქართველოს სსრ სახალხო კომისართა საბჭოს
თავმჯდომარე **შ. ელიავა.**

საქართველოს სსრ სახალხო კომისართა საბჭოს საქმეთა
მმართველი **აღ. ხალარაძე.**

1927 წ. მარტის 10.
ტფილისი—სასახლე.

55. დადგენილება ს. ა. ს.

საქართველოს სახალხო მეურნეობის საკონტროლო ციფრების შედგენის ვადისა და წესის შესახებ.

საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ ეკონომიურ საბჭოსთან არსებულ სახელმწიფო საგეგმო კომისიას შეადგინოს და წარუდგინოს არა უგვიანეს 1927 წლის ივლისის 15-სა საქართველოს სსრ ეკონომიურ საბჭოს დასამტკიცებლად საქართველოს სახალხო მეურნეობის საკონტროლო ციფრები 1927/28 წლისათვის.

2. სსრ ეკონომიურ საბჭოსთან არსებულ სახელმწიფო საგეგმო კომისიას უფლება აქვს დაევალოს საქართველოს სახალხო კომისარიატებსა და სხვა ცენტრალურ დაწესებულებებს, საქართველოს სახალხო მეურნეობის ცალკე დარგთა საკონტროლო ციფრების შედგენა მისი პროგრამის მიხედვით და მის მიერ დაწესებულ ვადაზე.

3. საქართველოს სსრ ეკონომიურ საბჭოსთან არსებულ სახელმწიფო საგეგმო კომისიას უფლება აქვს: 1) მოიწვიოს წინა მუხლში აღნიშნულ უწყებათა პასუხისმგებელი წარმომადგენელნი საქართველოს სახალხო მეურნეობის სათანადო დარგების საკონტროლო ციფრების შედგენაში მონაწილეობისათვის და 2) მოსთხოვოს ზემოაღნიშნულ უწყებათ და დაწესებულებათ, აგრეთვე საქართველოს სსრ ტერიტორიაზე მომქმედ სახელმწიფო (საერთო საკავშირო და ფედერატიულს), კოოპერატიულ, საზოგადოებრივ და კერძო დაწესებულებასა და საწარმოს საკონტროლო ციფრების შესადგენად საჭირო ყველა ცნობის წარდგენა მის მიერ დადებულ ვადაზე.

4. დაევალოს სახელმწიფო საგეგმო კომისიას ყოველ ორ კვირაში ერთხელ წარუდგინოს ხოლმე საქართველოს სსრ ეკონომიურ საბჭოს მოხსენება საკონტროლო ციფრების შედგენისათვის წარმოებულ მუშაობის მსვლელობის შესახებ.

საქართველოს სსრ სახალხო კომისართა
საბჭოს თავმჯდომარის მოადგილე **ს. ჯუღელი.**

საქართველოს სსრ სახალხო კომისართა საბჭოს
საქმეთა მმართველი **აღ. ხალარაძე.**

1927 წ. მარტის 15.
ტფილისი—სასახლე.

გამოქვეყნებულია გაზ. „კომუნისტის“ მე-76 №-ში 1927 წ. აპრილის 6-

56. დადგენილება ს. ქ. ს.

პროფესორი პ. გ. მელიქიშვილის დაკრძალვისათვის კომისიის მოწყობის შესახებ.

საქართველოს სსრ სახალხო კომისართა საბჭო ადგენს:

1927 წლის მარტის 23-ს გარდაცვლილ სრულიად საქვეშინო სამეცნიერო აკადემიის წევრ-კორესპონდენტის, ტფილისის სახელმწიფო უნივერსიტეტის დამსახურებული პროფესორის პეტრე გრიგოლის ძე **მელიქიშვილის** დაკრძალვისათვის მოეწყოს კომისია განათლების სახალხო კომისარის ამხ. კანდელაკის თავმჯდომარეობით და შემდეგ პირთა შედგენილობით: განათლების სახალხო კომისარის მოადგილე მარიამ ორახელაშვილისა, ტფილისის სახელმწიფო უნივერსიტეტის პრორექტორები: პროფ. კეკელიძე, პროფ. ნუცუბიძე და — ამხ. თალაქვაძე, ფაკულტეტების დეკანი: სოციალურ-ეკონომიურისა — ამხ. ერქომაიშვილი, სამკურნალოსი — პროფ. მაჭავარიანი, სასოფლო-სამეურნეო — ამხ. ვასილ კანდელაკი და პედაგოგიურისა — ამხ. სულაქველიძე, ვ. ი. ლენინის სახელობის ტფილისის სახელმწიფო პოლიტექნიკური ინსტიტუტის რექტორი პროფესორი სმირნოვი და ამავე ინსტიტუტის პრორექტორი პროფესორი ზაიცევი, საქართველოს პროფესიონალურ კავშირთა საბჭოს მდივანი ამხ. ფანცხავა და პროფესორები ალადაშვილი, ამირეჯიბი და მუსხელიშვილი, ექიმი ნიკოლოზ ყიფშიძე და ამხ. ბეჭია.

საქართველოს სსრ სახალხო კომისართა საბჭოს

თავმჯდომარე **შ. ელიავა.**

საქართველოს სსრ სახალხო კომისართა საბჭოს საქმეთა

მმართველი **ალ. ხალარძე.**

1927 წ. მარტის 24.

ტფილი ი — სასახლე.

57. დადგენილება ს. ქ. ს.

გაზაფხულზე მოხალოდნელი წყალდიდობის წინააღმდეგ ბრძოლისათვის სოფლის მოხალეობის შრომის ბეგარაზე გაწვევის შესახებ.

გაზაფხულზე წყლის აღიდების გამო მოხალოდნელ სტიქიურ უბედურებასთან საბრძოლველად და შრომის კანონთა კოდექსის მე-11 მუხ. თანახმად — საქართველოს სსრ სახალხო კომისართა საბჭო ადგენს:

1. შემოღებულ იქნეს გაზაფხულზე წყალის აღიდების პერიოდის განმავლობაში შრომის ბეგარა თემისა ან ცალკე სოფლის მოხალეობისათვის წყალდიდობასთან საბრძოლველად ამა თუ იმ სამუშაოს შესასრულებლად.

2. 1-ლ მუხლში აღნიშნული შრომის ბეგარის მოსახდელად შეიძლება გაწვეულ იქნეს, — შემდეგ (3) მუხლში აღნიშნული გამონაკლისით, მთლად შრომის უნარიანი მამრობითი სქესის მოსახლეობა, ასაკით 18-დან 45 წლამდე, რომელიც თემში ან სათანადო სოფელში მუდმივ სტაჟს იკავებს.

3. სავალდებულოა შრომის ბეგარისაგან განთავისუფლება ყველა იმ პირისა, რომელიც წითელ არმიისა და ფლოტის ნამდვილ სამსახურში იმყოფება, აგრეთვე იმ პირისა, რომელიც განთავისუფლებულია შრომის ბეგარაზე გაწვევისაგან შრომის კანონთა კოდექსის მე-13 მუხლის თანახმად.

დამატებითი გამონაკლისებს და შეღავათებს, ჯანმრთელობისა, ოჯახური და სამსახურებრივი მდგომარეობისა, სამუშაოს ხასიათისა და ყოფა-ცხოვრებისა და სხვა ადგილობრივი პირობების მიხედვით, — დააწესებს თემის აღმასრულებელი კომიტეტი.

4. პირადი შრომის გარდა, ყველა იმ თემისა თუ სათანადო სოფლის მცხოვრები, რომლის მოსახლეობაც გაწვეულია შრომის ბეგარაზე, მოვალეა გადასცეს თემის აღმასრულებელ კომიტეტს ან სათანადო სოფლის საბჭოს, მის მიერ შრომის ბეგარის შესრულების განმავლობაში (მუხ. 5), თავისი საკუთარი მუშა-საქონელი და საჭირო ტვირთბრუნვის ტრანსპორტი და ინვენტარი, ხოლო არა უმეტეს ორი სული საქონლისა თვითველ მეურნეობაზე.

5. სოფლის მცხოვრებნი მოიხდიან შრომის ბეგარას მორიგეობით, რასაც დააწესებს თემის აღმასრულებელი კომიტეტი იმ ვარაუდით, რომ თვითველი პირის სამუშაო დღის რიცხვი გაზაფხულზე წყლის აღიღების პერიოდში 3 დღეს არ აღემატებოდეს, რამდენადაც ეს შესაძლებელია.

6. მოსახლეობის ფაქტიური გამოყენება შრომის ბეგარისათვის 1-ლ მუხლში აღნიშნული სამუშაოს შესასრულებლად მოხდება მაზრისა თუ თემის აღმასრულებელი კომიტეტის დადგენილებით, რასაც იგი გამოიტანს როგორც თავისი ინიციატივით, ისე საქართველოს წყალთა მეურნეობის სამმართველოს ან მისი ადგილობრივი ორგანოების მოთხოვნით.

7. მას, ვინც თავს აარიდებს შრომის ბეგარის შესრულებას, დაედება ადმინისტრაციულის წესით, სათანადო თემის აღმასრულებელი კომიტეტის დადგენილებისამებრ, პირველად ფულადი ჯარიმა 5 მანეთამდე ან იძულებითი მუშაობა 5 დღემდე.

ხოლო, უკეთუ იგი ამას განიმეორებს ან შრომის ბეგარის ასრულებას დაჟინებით თავს აარიდებს, — პასუხისმგებაში იქნება მიცემული სისხლის სამართლის წესით სისხლის სამართლის კოდექსის 79 მუხ. თანახმად.

8. დაველოს შინაგან საქმეთა სახალხო კომისარს, საქართველოს სსრ წყალთა მეურნეობის სამმართველოს უფროსთან შეთანხმებით, გამოსცეს ორი კვირის ვადაზე ინსტრუქცია ამა დადგენილების შესაფარდებლად.

საქართველოს სსრ სახალხო კომისართა საბჭოს
 თავმჯდომარე **შ. ელიავა.**

საქართველოს სსრ. სახალხო კომისართა საბჭოს საქმეთა
 მმართველი **ალ. ხალარძე.**

1927 წ. მარტის 24.
 ტფილისი — სასახლე.

გამოქვეყნებულია გაზ. „კომუნისტის“ მე-69 №-ში 1927 წ. მარტის 29.

58. დადგენილება ს. კ. ს.

საქართველოს სსრ ეკონომიურ საბჭოსთან არსებული სახელმწიფო საგეგმო კომისიის დებულების დამტკიცებისა და სამოქმედოდ შეაოღების შესახებ.

საქართველოს სსრ სახალხო კომისართა საბჭო აღდგენს:

დამტკიცებულ და სამოქმედოდ შემოღებულ იქნეს ამასთანავე დართული დებულება საქართველოს სსრ ეკონომიურ საბჭოსთან არსებული სახელმწიფო საგეგმო კომისიის შესახებ.

საქართველოს სსრ სახალხო კომისართა საბჭოს
თავმჯდომარე **შ. ელიავა.**

საქართველოს სსრ სახალხო კომისართა საბჭოს
საქმეთა მმართველი **აღ. ხალარძე.**

1927 წ. მარტის 30.

ტფილისი—სასახლე.

დებულება

საქართველოს სოციალისტური საბჭოთა რესპუბლიკის ეკონომიურ საბჭოსთან არსებული სახელმწიფო საგეგმო კომისიის შესახებ.

I. ზოგადი დებულებანი.

1. საქართველოს სსრ ეკონომიურ საბჭოსთან არსებულ სახელმწიფო საგეგმო კომისიის ძირითად მიზანს შეადგენს საქართველოს სსრ მეურნეობისა და სოციალურ-კულტურული მშენებლობის გეგმების შემუშავება და აგრეთვე აღნიშნული გეგმების განხორციელებისათვის სისტემატიური მეთვალყურეობის გაწევა.

2. საქართველოს საგეგმო კომისია საქართველოს ეკონომიური საბჭოს მუდმივი ორგანოა, რომელიც მოქმედობს მისი უშუალო ხელმძღვანელობით და ამასთან ერთად ასრულებს სსრკ და ა/კ სფსრ სახელმწიფო საგეგმო კომისიების დავალებას საკავშირო ან ფედერატიული მნიშვნელობის სამეურნეო გეგმების შემუშავების საქმეში.

II. სახელმწიფო საგეგმო კომისიის უფლება-მოვალეობანი.

3. საგეგმო კომისიას დაეკისრება:

ა) შემუშავოს საქართველოს მეურნეობისა და სოციალურ-კულტურული მშენებლობის პერსპექტიული გეგმები საქართველოს სსრ მთავრობის დირექტივებისა და სსრკ და ა/კ სფსრ სახელმწიფო საგეგმო კომისიების ზოგადი დირექტივების საფუძველზე და ამ გეგმების საქართველოს სსრ ეკონომიური საბჭოს მიერ დადასტურების შემდეგ წარადგინოს იგი ა/კ სფსრ სახელმწიფო სა-

გეგმო კომისიაში ა/კ სფსრ-ში შემავალი დანარჩენი რესპუბლიკების და ფედერაციული მეურნეობის გეგმებთან შესათანხმებლად;

ბ) შეიმუშაოს პერსპექტიული გეგმის საფუძველზე საქართველოს მეურნეობის წლიური გეგმები და ღირებულებები მისცეს საქართველოს სახალხო კომისარიატებისა და საქართველოს სსრ-ში შემავალ რესპუბლიკების საგეგმო ორგანოებს საოპერაციო გეგმების შედგენისათვის საქართველოს სსრ და ა/კ სფსრ მეურნეობის საერთო გეგმასთან შეფარდებით;

გ) განიხილოს საქართველოს სსრ საერთო-სახელმწიფოებრივი ბიუჯეტის პროექტი და წარადგინოს სათანადო მოხსენება საქართველოს სსრ სახალხო კომისარიატის საბჭოში, აგრეთვე განიხილოს და შეუთანხმოს რესპუბლიკანურ ბიუჯეტს ადგილობრივი (სამაზრო) ბიუჯეტები;

დ) შეისწავლოს და გამოიკვლიოს სისტემატიურად სახალხო მეურნეობის სხვადასხვა დარგი და სოციალურ-ტექნიკური მშენებლობის მდგომარეობა;

ე) განიხილოს საქართველოს მუშათა და გლეხთა ინსპექციის სახალხო კომისარიატის საოპერაციო გეგმების ის ნაწილი, რაც სამეურნეო პრობლემებს ეხება და შეუთანხმოს იგი რესპუბლიკანური ორგანოების საგეგმო მუშაობას;

ვ) განიხილოს და შეიმუშაოს დარაიონების საკითხები;

ზ) განიხილოს და შეიმუშაოს როგორც საკუთარი ინიციატივით, ისე საქართველოს სსრ უმაღლესი საკანონმდებლო ორგანოებისა და ა/კ სფსრ საგეგმო კომისიის დავლებით, საკითხი და ღონისძიებანი რესპუბლიკის ბუნებრივ სიმდიდრეთა საუკეთესოდ გამოყენებისა და აგრეთვე ყველა იმ ორგანოს მოქმედების მოწესრიგებისა და შეფასებისა, რომელიც საქართველოს საწარმოვო ძალთა გამოკვლევას ეწევა;

თ) განიხილოს და შეათანხმოს საქართველოს სსრ სახალხო კომისარიატებისა, რესპუბლიკანური საკრედიტო, დამზღვევი და კოოპერატიული დაწესებულებებისა და ადგილობრივი საგეგმო ორგანოების საოპერაციო გეგმები და საგეგმო განზრახვანი;

ი) განიხილოს და შეათასოს საერთო-საკავშირო და ფედერაციულ დაწესებულებათა და საწარმოთა სამეურნეო გეგმებისა და საწარმოვო პროგრამების ის ნაწილი, რაც საქართველოს ტერიტორიაზე მათ მუშაობას შეეხება, და შეატყობინოს თავისი დასკვნა, როცა მას საქართველოს სსრ ეკონომიური საბჭო დაადასტურებს, ა/კ სფსრ სახელმწიფო საგეგმო კომისიას; აგრეთვე განიხილოს ამიერ-კავკავკასიის საერთო-ფედერაციული ბიუჯეტი და მისცეს თავისი დასკვნა ამ ბიუჯეტის იმ ნაწილის გამო, რაც საქართველოს სსრ შეეხება;

კ) თვალყური ადევნოს სისტემატიურად სახალხო მეურნეობის კონინუქტურას. შეადგინოს პერიოდული მიმოხილვები და წარადგინოს საქართველოს სსრ ეკონომიურ საბჭოში და ა/კ სფსრ სახელმწიფო საგეგმო კომისიაში;

ლ) შეიმუშაოს საქართველოს სსრ სახალხო კომისარიატის საბჭოს და ეკონომიური საბჭოს დავლებით საქართველოს სახალხო მეურნეობის გეგმასთან და სოციალურ-კულტურულ აღმშენებლობასთან დაკავშირებული საკითხები;

მ) გაუწიოს ხელმძღვანელობა და ინსტრუქტობა სახალხო კომისარიატ-

ბის საგეგმო კომისიებისა და ადგილობრივი საგეგმო კომისიების მუშაობას და მოქმედებას და აგრეთვე დაამტკიცოს მათი საპროგრამო სამუშაოები;

4. მე-3-მე მუხლში აღნიშნული მიზნების მისაღწევად საქართველოს საგეგმო კომისიას უფლება აქვს:

ა) შეიმუშაოს დეკრეტისა და დადგენილებების პროექტები მე-3-ე მუხ. აღნიშნულ საგეგმო ღონისძიებათა განხორციელებისათვის;

ბ) მიიღოს და განიხილოს საანგარიშო ცნობები მე-3-ე მუხ. აღნიშნულ გეგმების შესრულების შესახებ;

გ) მისცეს დასკვნა ზუსტებათა მიერ საქართველოს სსრ ეკონომიურ საბჭოსა და სახალხო კომისართა საბჭოში ეკონომიურ და ფინანსიურ საკითხების გამო შეტანილ უაღრესი მნიშვნელობის დეკრეტებისა და დადგენილებების პროექტების შესახებ.

შენიშვნა. საქართველოს სსრ სახელმწიფო საგეგმო კომისიას უფლება აქვს იშუამდგომლოს საქართველოს სსრ სახალხო კომისართა საბჭოსა და ეკონომიურ საბჭოს წინაშე, რათა ის საკითხები, რაზედაც სახელმწიფო საგეგმო კომისიას დასკვნა არ მიუცია, ჰმოიხსნას განხილვისაგან სახალხო კომისართა საბჭოსა და ეკონომიურ საბჭოში.

დ) უშუალოდ მიმართოს საქართველოს სსრ ყველა დაწესებულებასა და ორგანიზაციას იმ საკითხის გამო, რაც დაკავშირებულია საგეგმო კომისიისათვის დაკისრებულ მოვალეობათა ასრულებასთან;

ე) მოიწვიოს ყრილობები, თათბირები და კონფერენციები იმ საკითხების გამო, რაც დაკავშირებულია მისთვის დაკისრებული საგნების შემუშავებასა და განხორციელებასთან.

5. საქართველოს სსრ მეურნეობისა და სოციალურ-კულტურული ამშენებლობის საპერსპექტივო და წლიურ გეგმებს საქართველოს სსრ სახელმწიფო საგეგმო კომისია წარუდგენს დასამტკიცებლად საქართველოს სსრ ეკონომიურ საბჭოს ან სახალხო კომისართა საბჭოს.

6. საქართველოს სსრ ყველა სახელმწიფო დაწესებულება და საწარმო, აგრეთვე საქართველოს სსრ ტერიტორიაზე მომქმედი საკავშირო და ფედერატიული დაწესებულება და საწარმო მოვალეა წარუდგინოს საქართველოს სსრ სახელმწიფო საგეგმო კომისიას ყველა მის მიერ მოთხოვნილი ცნობა და მასალა და აგრეთვე მისცეს საჭირო განმარტება.

7. საქართველოს სახელმწიფო საგეგმო კომისიის თავმჯდომარე და მისი მოადგილე გადამწყვეტი ხმის უფლებით მონაწილეობას მიიღებენ საქართველოს სსრ ეკონომიური საბჭოს და სახალხო კომისართა საბჭოს სხდომებში.

III. სახელმწიფო საგეგმო კომისიის სტრუქტურა.

8. საქართველოს სსრ სახელმწიფო საგეგმო კომისიის ორგანოებია: პრეზიდიუმი და სექციები.

9. საქართველოს სსრ სახელმწიფო საგეგმო კომისიის პრეზიდიუმი შედგება თავმჯდომარისა, მისი მოადგილისა და პრეზიდიუმის წევრებისაგან.

10. საქართველოს სსრ სახელმწიფო საგეგმო კომისიის პრეზიდიუმს და-
ნიშნავს საქართველოს სსრ სახალხო კომისართა საბჭო.

11. საგეგმო კომისიის შედგენილობაში მოეწყობა შემდეგი სექციები:
1) სამრეწველო-საღიშმწებლო, 2) სასოფლო-სამეურნეო, 3) საბიუჯეტო-საფინ-
ანსო, 4) ეკონომიურ-სტატისტიკური და 5) სოციალურ-კულტურული.

შენიშვნა. დარაიონების მუშაობის დამთავრებამდე საქართველოს
საგეგმო კომისიასთან სექციის უფლებით მოქმედობს დარაიონების სპე-
ციალური კომისია.

12. სექციათა შორის მუშაობას გაანაწილებს სახელმწიფო საგეგმო კომი-
სიის პრეზიდიუმი ან თავმჯდომარე.

13. თითოეული სექცია შესდგება თავმჯდომარისა და სექციის წევრებისა-
გან, რომელთაც დანიშნავს სახელმწიფო საგეგმო კომისიის პრეზიდიუმი.

14. ყველა საკითხი წინასწარი შემუშავებისათვის გადაეცემა სათანადო
სექციას, რომელიც თავის მოხსენებას სახელმწიფო საგეგმო კომისიის პრეზი-
დიუმს წარუდგენს.

15. საქართველოს სსრ სახელმწიფო საგეგმო კომისიასთან არსებობს სა-
კონიუნქტურო საბჭო, რომლის მიზანსაც შეადგენს განიხილოს და დაამტკიცოს
ეკონომიურ-სტატისტიკური სექციის მიერ შედგენილი პერიოდული კონიუნქტუ-
რული მიმოხილვები; აგრეთვე შეიმუშაოს კონიუნქტურასთან დაკავშირებული
ლონისძიებანი.

16. საკონიუნქტურო საბჭო შესდგება პრეზიდიუმის წევრებისა და სამე-
ურნეო სახალხო კომისარიატებისა და ორგანიზაციების პასუხისმგებელ წარმო-
მადგენელთაგან.

შენიშვნა. იმ დაწესებულებათა და ორგანიზაციათა სიას, რომელ-
თაც თავიანთი წარმომადგენლები ჰყავთ საკონიუნქტურო საბჭოში, დაამ-
ტკიცებს სახელმწიფო საგეგმო კომისიის პრეზიდიუმი ეკონომიურ-სტატის-
ტიკური სექციის წარდგენით.

17. საკონიუნქტურო საბჭოს სხდომაზე თავმჯდომარეობს საგეგმო კომი-
სიის თავმჯდომარე ან მისი მოადგილე.

18. საქართველოს სსრ სახელმწიფო საგეგმო კომისიისა და მისი ორგა-
ნოების შესაწახი ხარჯი შედის საქართველოს სსრ სახელმწიფო ბიუჯეტში სა-
გეგმო კომისიის ხარჯთაღრიცხვით.


19. საქართველოს სსრ სახელმწიფო საგეგმო კომისიას აქვს თავისი ბეჭედი.

სახალხო კომისართა საბჭოს განაპარბულეზანი.

59. ცირკულარული.

სახელმწიფო და ადგილობრივ ბიუჯეტზე მყოფ სახელმწიფო დაწესებულე-
ბათა მიერ აღსრულების ფურცლით გადასახდელის გასტუმრების წესის შე-
სახეზე.

შემჩნეულია, რომ სასამართლო პროცესის დამთავრებისას სახელმწიფო და
ადგილობრივ ბიუჯეტზე მყოფი სახელმწიფო დაწესებულებანი ზოგიერთ შემთ-
ხვევაში არ ასრულებენ სასამართლოთა გადაწყვეტილებებს და არ ისტუმრებენ
გადასახდელს მათთვის სამ. საპრ. კოდ. 285-287 მუხ. წესისამებრ წარდგენილი
აღსრულების ფურცლებით. არის ხოლმე შემთხვევა საშრომო ქირავნობის ხელ-



შეტყობილია გამომდინარე სარჩელის შესახებ გამოტანილი და კანონიერ სა-
 შუაში შესული გადაწყვეტილების დაყოვნებისა. ასეთი მოვლენა უმთავრესად
 იქნება იმდენი, რომ აღნიშნულ დაწესებულებათა დამტკიცებული ხარჯთ-აღრიც-
 ხვით-ვათვალისწინებული არ არის თავისუფალი თანხა, რითაც შეიძლება დედს
 წარდგენილი პრეტენზიების დაფარვა. მაგრამ შემჩნეულია ისეთი შემთხვევა,ც,
 როდესაც გადაწყვეტილების შესრულების დაყოვნების მიზეზი თვით დაწესებუ-
 ლების უფროსია. კანონიერ ძალაში შესული გადაწყვეტილების შესრულებ-
 ლობა სახელმწიფო დაწესებულებათა მიერ ამცირებს სასამართლოს პრესტიჟს
 მოსახლეობის თვალში და ეწინააღმდეგება რევოლიუციონური კანონიერების
 პრინციპს.

ამგვარ მოვლენათა თავიდან ასაცილებლად საქართველოს სახალხო კომი-
 სართა საბჭო წინადადებს იძლევა:

1. სახელმწიფო და იდგილობრივ ბიუჯეტზე მყოფმა სახელმწიფო დაწე-
 სებულებამ შეიტანოს თავის ხარჯთ-აღრიცხვაში თანხები, რაც კი საჭირო იქ-
 ნება აღსრულების ფურცლით გადასახდელის გასასტუმრებლად.

2. ა) სახელმწიფო ბიუჯეტზე მყოფმა სახელმწიფო დაწესებულებამ აღ-
 სრულების ფურცლებით მიტკეული გადასახდელი მიმდინარე 1926/27 საბიუჯეტო
 წელში გაისტუმროს ამავე წლის კრედიტების ანგარიშში ან, საჭიროებისდა მი-
 ხედვით, კრედიტების გადაჯგუფების საშუალებით დადგენილ წესის თანახმად;

ბ) ადგილობრივ ბიუჯეტზე მყოფმა სახელმწიფო დაწესებულებამ აღსრუ-
 ლების ფურცლით მიტკეული გადასახდელი მიმდინარე 1926/27 საბიუჯეტო
 წელში გაისტუმროს მოულოდნელი ხარჯებისათვის დანიშნული კრედიტების ან-
 გარიშში და აგრეთვე, საჭიროებისდა მიხედვით, კრედიტების გადაჯგუფების
 საშუალებით დადგენილი წესის თანახმად.

3. უკეთუ სასამართლოს ძალაში შესული გადაწყვეტილების აღსრულება
 დაყოვნებულ იქნება იმ კრედიტების განმკარგულებელი პირის მიზეზით, იგი
 მიცემულ იქნეს პასუხისმგებლობაში სისხ. სამ. წესით თანახმად სისხ. სამ. კოდ.
 110 მუხლისა.

საქართველოს სსრ სახალხო კომისართა
 საბჭოს თავმჯდომარე **შ. ელიავა.**

საქართველოს სსრ სახალხო კომისართა საბჭოს
 საქმეთა მმართველი **ალ. ხალარაძე.**

1927 წ. მარტის 30.
 ტფილისი—სასახლე.

გამოქვეყნებულია გაზ. „კომუნისტი“-ს მე-74 №-ში 1927 წ. აპრილის 3.

ს. ს. შ. უ. პოლიგრაფიული ტრესტის მე-3 სტამბა.